

東
華
續
錄

東華續錄

咸豐五十

臣王先謙敬編

臣陶澐宣恭校

八月辛卯朔諭內閣十月二十五日朕親送 大行皇太后梓宮
奉移 山陵據王大臣等合詞具奏以直隸地方連年兵差絡繹
民力維艱懇請停止親送朕追念 慈恩方以執紼相隨藉伸哀
慕況事關典禮何敢簡略儀文惟念見在直隸地方撤兵未久民
困未蘇若再以蹕路經行重煩供億於心實有不安朕仰承 皇
考付託之重宵旰憂勞無日不以愛民爲念今必拘循常典轉非
所以上慰 在天之靈不得不兼權時勢強抑哀思勉從諸王大
臣等所請停止親送所有一切禮儀著恭親王奕訢前往恭代屆
期朕於綺春園大宮門跪送後仍步行恭送至紅橋有所應行典

禮各衙門敬謹詳查酌覈具奏○諭官文奏官軍攻克漢鎮進圍漢陽府城並接捕漢川餘匪堵截德安竄逆疊獲大勝一摺據稱本月十五日經胡林翼督飭知府彭玉麟等用火船攻燬漢口浮橋衝出大江會合胡林翼等大兵水陸並進該處民勇亦同時接應殺賊無算立將漢鎮克復又渡河追至漢陽將東西門外土城盡毀胡林翼親冒矢石殺至龜山十六日該撫督率各路兵勇齊攻漢陽又將四面賊卡土城盡行踏毀漢川餘匪亦經李保邦等分投搜捕殘賊敗逃無難次第撲滅其德安之賊屢次圖竄均經官軍擊回等語此次胡林翼親督水陸各軍奮勇渡江立克漢鎮復能不避艱險進逼漢陽辦理均屬得手著卽乘此聲威激勵兵勇迅圖克復漢陽並著官文會同西凌阿將德安賊匪合力夾擊悉數殲除毋再延緩○官文奏據署漢陽縣知縣伍繼勛稟報七

月閒撫

臣

胡林翼紮營三山景水軍移紮禹糧臺當夜造成火龍

船二十餘隻次日帶水軍知府彭玉麟等用火龍船攻毀漢口浮

橋衝出大江會合撫

臣

及副將王國才楊載福等之師水陸並進

殺賊無算克復漢鎮復過河追至漢陽將東西門外土城盡行毀

倒撫

臣

親冒矢石殺至龜山天晚紮營十六日各路兵勇齊攻漢

陽又將其四面防卡及附城土垣毀盡再據鹽法道常恩稟稱克

復漢川縣城後派兵分途搜捕餘匪內有偽平湖丞相李何青等

三十餘名復探聞有賊數百在南門七里蘆林復派李保邦等帶

勇出東門李光榮帶勇出西門王三錫等帶勇出南門追剿殲斃

逆匪百餘名見在跟蹤追捕並探聞慈擔溝一帶尚有聚匪亦當

撲滅等語

臣

已飭其一面搜捕餘匪一面督李保邦等速赴蔡店

爲南軍後路聲援至德安之賊屢次出城騷探擬竄漢川接應均

經兵勇截回參將顏朝斌等帶勇三千全抵應城已飭商同進剿
並飭隨州知州嚴樹森激勵鄉團嚴堵歧路臣卽日馳抵涇口相
機策應務期掃蕩妖氛上諭軍機大臣等此次漢川漢口先後
克復漢陽逆匪亦已窮蹙德安賊援已斷其圖竄漢川者復經兵
勇截擊殲擒若能乘此機會南北夾攻何患德安不克官文所派
顏朝斌等一軍當德安之東南西凌阿若株守隨州不思進取豈
將以攻復之事全委之南軍耶況該大臣兵勇不下八千隨州團
練數逾二萬北路聲勢不爲不壯何以連日尙未進兵朕授西凌
阿爲欽差大臣原不專爲德安計今併一德安不能克潰敗退縮
任意遷延一至於此試問何顏對朕著卽督帶官兵團勇迅速前
進與南路兵勇前後夾擊務將德安府城剋期攻復不得再有耽
延所統各鎮將內有畏葸不前約束不嚴者卽行據實嚴參進兵

日期並著速行具奏官文見往潰口正可上援德安下應漢陽著一面會合西凌阿迅速夾攻一面與胡林翼聲勢聯絡以期肅清江北毋失事機再西凌阿前奏實存投誠義勇二千二百餘名見已造具花名清冊其逃入賊夥之六百六名係何名姓何處籍貫亦著查明造冊附報咨送軍機處呈覽將此由六百里加緊各諭令知之○諭戶部奏請催商船回南兌運新漕一摺本年江浙海運漕糧於六月內一律抵津該商船等赴奉天裝運豆石後自應催令南下以備封雇著英隆恆毓桂良崇恩督飭沿海將弁凡有停泊海口之沙船蜑船並東衛各項船隻均催令迅速南行駛赴上海水次受雇毋許停畱貽誤惟奉天山東洋面屢有盜艇往來恣行劫掠以致該商船等不敢南駛前經諭令怡良吉爾杭阿派兵會剿疊據該督等以挖督等船俱已入江見飭蘇松太道雇覓

高大船隻酌撥兵勇派遊擊張鳳翔統帶仍飭署都司周建勛將原帶挖醫五隻折回上海連檣赴東會剿見在海口盜艇雖據英隆等奏稱業經駛赴外洋仍未知其潛蹤何處自應亟籌剿捕以靖海洋使商船得以遄行無誤上海受兌之期所有張鳳翔等師船著怡良等嚴行催趨前進直抵山東奉天剿捕艇匪並著英隆等探明該師船行抵各海口時卽飭沿海弁兵會同堵擊務期洋面肅清無畱餘孽至商船兌運新漕募勇自衛是否可行著怡良吉爾杭阿何桂清遵照前旨悉心妥議來年江浙漕糧仍辦海運並著邵燦會同該督撫及早籌畫俾得迅速起運將此由五百里各諭令知之○署陝西巡撫載齡奏請以黃金定價抵銀行使命軍機大臣會同戶部妥議尋奏該撫通籌全局爲裕國便民起見應如所請試行並酌擬章程十二條一成色宜酌定一價值宜酌

中一交官之項分別覈辦一收納地丁於串票內添註數目一解部之款與白銀並解一協撥餉銀搭解黃金一各省放款視所收之數酌量搭用一部庫放項視金數之多寡隨時酌辦一出納按照向來收放定章一收放黃金就見銀款內分搭一官銀錢號令各省一體開設藉資兌換一產金省分宜令試行開採從之○王辰諭軍機大臣等托明阿奏長圍工竣並水陸進攻獲勝一摺覽所奏進攻瓜州情形僅止逐日出隊小有斬擒於克復機宜毫無把握所築土圍西連土橋東近虹橋距賊壘皆已甚遠僅能阻賊撲營爲該大臣自固之謀豈能制賊死命若竟恃爲長策不思設法進攻該逆雖不能東西旁竄而南面仍復通江亦復何益於事況吉爾杭阿既有南北並舉之議則鎮江得手之時瓜州卽應實力攻擊乃初七日之戰亦止誘賊出巢奮力擊退旋因風雨復作

撤隊回營仍不過數日一奏敷衍了事名爲同時並舉有何出奇制勝實見功效之處遷延貽誤責有攸歸該大臣等清夜自思能無愧悚藪爾瓜州久攻不下見辦築圍等事勞費無名克復之機不繫乎此若不搗其巢穴不足爲該大臣等功績區區小勝何足以慰朕念卽托明阿營中尙多宿將非不能自奮者著卽嚴行傳諭務各奮勉圖功剋期攻克瓜州不得再有延緩其金陵下竄賊船卽飭知葉長春等及陸路防堵之武慶等嚴加防範不可稍有疏虞覽此次所奏浦口水陸勝仗較之瓜州尙有實際仍著責成該總兵等實力堵截並隨時與陳國泰師船聯絡使西南兩面水師聯爲一氣以杜該逆窺伺將此由六百里諭令知之○諭前因曾國藩奏參江西巡撫陳啟邁濫保員弁徇庇屬吏各款蹟當經降旨將陳啟邁革職令文俊於到任後將曾國藩所參各情節詳

查具奏本日據陳啟邁奏到遵保南饒剿匪出力員弁並革員功過相抵斥革控案舉人各摺片南饒剿匪出力員弁兵勇此次單開是否實係殺賊立功著有勞績堪膺保奏者著文俊按照原單詳細查明再行具奏已革饒州府知府胡正仁萬安縣知縣王家棟陳啟邁稱其收拾潰兵克復城池尙知愧奮援案請功過相抵該革員等是否如摺內所稱情節亦著查奏至舉人彭壽頤控告萬載縣知縣李皓一案前曾國藩摺內有陳啟邁徇庇該縣陵虐舉人等語著文俊確切查明該縣是否有棄城逃走之事彭壽頤有無冤抑一併提集人證卷宗歸案秉公研訊確情按律定擬具奏陳啟邁原摺單片均著鈔給閱看將此由四百里諭令知之○諭崇恩奏山東各州縣被水情形等語本年豫省蘭陽汎黃水漫溢直注東省穿過運河漫入大清河歸海荷澤濮州以下壽張東

阿以上盡被淹沒他如東平等十數州縣亦均波及徧野哀鴻實堪憫惻前經諭令該撫亟籌撫卹並截畱漕米五萬石先行賑濟以期及早安輯又令揀派幹員會同張亮基查勘水勢設法疏導使橫流毋再旁趨以保護民田廬舍諒已次第籌辦其曹州一帶捻匪並著嚴飭所委文武各員實力巡防毋稍疏懈至東省前撥甘黔廬揚各處兵餉均係刻不容緩見在被災處所雖有十餘州縣其完善之區尙可催徵錢糧以資支應何得一籌莫展概置餉項於不問該撫豈不知部庫支絀各路待餉孔殷苟有天良應如何竭力籌畫共濟時艱耶所有欠解軍餉仍著設法撥解毋誤要需將此諭令知之○癸巳諭內閣陳啟邁奏革員因病告假請令回籍等語已革總兵趙如勝前據曾國藩奏稱該革員在吳城鎮聞賊先逃並防堵不力以致饒州郡城失陷當降旨交文俊查辦

趙如勝既有參款著不准回籍仍留江西聽候查辦○諭陳啟邁奏勦辦義甯賊匪大獲勝仗見擬分路進攻一摺據稱義甯州城賊匪屯聚南岸豬婆灘及北岸州城西北坑鳳凰山等處約二萬餘人七月初五日甯紹台道羅澤南帶領湘勇行抵梁口知府林懋勳進紮三都山總兵劉開泰移營黃沙橋賊由梅嶺分三路來撲營盤該道飭知府李續賓等帶領兵勇分投迎擊計殲斃賊匪七八百名溺斃數百名其敗逃浮江而過者被林懋勳兵勇殺斃七十餘名內有黃馬褂賊目一名南岸敗匪經羅澤南等追逐二十餘里生擒賊匪三十餘名奪獲軍裝器械無算此次勦辦尙爲得手仍著該鎮道等乘此聲威攻克州城迅殄醜類所有打仗出力員弁著文俊查明保奏候朕施恩○向榮奏我軍攻克蕪湖縣城尙餘濱江石壘及小河南北兩賊營未破該逆糾集四合山及

東西梁山黨與四五百人併夥踞守總兵德安明安泰卽日會督各兵勇分屯東北兩路並堵紮東南小河派兵入城守禦自六月二十日後出隊會剿寶塔根賊壘各將弁兵勇奮力前攻焚毀賊卡兩重攻破壘外濠塹水師亦於江面開礮環轟賊勢已蹙乃該逆復於范羅山添築礮臺並敢疊次出巢拒戰自係東西梁山並四台山之賊援未斷我軍雖步步進紮終難得手因卽派隊將長山營盤趕紮一律築成當派湖南兵及壯勇台勇分紮二營黔兵勝勇合紮一營聲勢聯絡鄧紹良亦於小河南將彪勇營盤移進偪賊於河邊查長山紮定五營既可遏斷梁山援應並絕該逆逃竄之路當卽飭該提鎮等乘此聲勢水陸併力剋期將賊壘蕩平全據上游要隘然後上下剿洗肅清沿江則大局得有把握上諭軍機大臣等我兵攻克蕪湖後濱江賊壘及小河南北兩賊營

尚未攻破長山五營甫能紮定不可不加意慎重著向榮督飭該水陸提鎮併力合謀先將寶塔根石壘埽平俾蕪湖險隘不至得而復失一面嚴飭水師各營豫防上游賊船乘隙下襲我軍據守險要然後乘勝上下勦洗庶幾肅清沿江大局得有把握將此六百里加緊各諭令知之○諭英隆等奏佃民抗租拒捕派兵緝拏一摺該犯霍義等糾眾抗租經委員帶兵往拏輒敢踞險拒捕實屬膽不畏法各社佃戶被霍義等煽惑延不完租若非懾以兵威恐難解散英隆等見經添派弁兵往勦卽著飭令該協領恆泰等實力搜捕務將該首犯霍義等拏獲從嚴懲辦仍設法解散脅從曉諭各佃照舊交租毋任再被糾脅以期迅速戡事將此諭令知之○諭扎拉芬奏圖伽布奏喀什噶爾有賊進卡已派兵迎擊豫籌應援一摺本年六月閒喀什噶爾所屬阿斯圖阿爾吐什莊回

子罕獲潛入卡內賊匪玉散霍卓依善等十三名送城審訊該賊
首鐵完庫里窩里罕等竟敢率眾入卡竄至玉斯圖阿爾吐什地
方且有布孜爾罕隨後亦來之語業經倭什琿布商令總兵穆特
恩泰帶兵迎擊扎拉芬泰等並行知烏什嚴密防堵若能即時藏
事固屬妥善儻賊數眾多兵力不敵卽畱法福禮在城防守著常
清就近帶兵前往督勦務當併力迎擊將夷眾迅速殄滅毋任故
智復萌滋蔓貽患儻或賊眾猖獗有必須應援之處卽著圖伽布
馳往辦理並著酌帶領隊大臣一員隨同前往至該將軍等所籌
先期布置一節自可有備無患惟須持以鎮靜不可稍涉張皇此
股夷匪總須迅速撲滅葉城相去不遠調兵轉餉均屬甚便著責
成常清等嚴堵速勦斷不可稍有縱弛以致重煩兵力將此由五
百里各諭令知之○甲午諭內閣英桂奏勦辦光州所屬捻匪擒

獲首要各犯一摺河南擒首易添富等竄踞光州等處疊經官兵收復該匪復聚黨分路竄匿經邱聯恩廖慶謀等先後將逆首王黨等拏獲正法並擒斬擒首陳麻子等共計四五百名汝陽縣知縣金朝棟復督同勇目喻洪安等將逆首易添富擒獲並格殺夥匪淨盡嗣邱聯恩等復於黃家樓等處拏獲擒首黃五雷等多名殲斃夥匪一千餘名該犯易添富戕官踞城罪不容誅業已訊明正法地方一律肅清辦尙屬認真所有在事出力員弁著英桂擇尤保奏候朕施恩○諭軍機大臣等英桂奏新鄉解圍餘匪未散擬親往督辦一摺新鄉匪眾經崇安督兵進剿立解城圍分派將弁赴鄉搜捕復斃多名雖近城一律肅清而餘賊退踞各鄉莊爲數尙多並敢在龍泉寺地方挑濠抗拒非痛加懲創恐致勾結蔓延據探德安賊匪無多所有信陽防堵事宜著交邱聯恩接辦

該撫卽親赴衛輝督飭總兵崇安署臬司周士鏜並直隸派往之
總兵史榮椿道員聯捷等合力勦捕務獲渠魁盡法懲治其協從
餘黨並著妥籌解散總宜思威並用戢暴安良庶各屬徵收錢糧
不至效尤貽誤該撫必能體察機宜消除內患也將此由五百
里諭令知之○以恆毓爲烏魯木齊都統調書元爲盛京戶部侍
郎善燾爲盛京刑部侍郎以錫齡爲盛京工部侍郎由光祿寺卿遷○以
聯奎爲左副都御史由大理寺卿遷○乙未諭軍機大臣等扎拉芬泰圖
伽布奏喀什噶爾擊賊獲勝並添兵分路堵剿一摺此次賊首鐵
完庫里與窩里罕同時率眾進卡滋擾業經官兵沿途擊敗斃賊
多名辦理尙屬得手惟該匪並未大受懲創難保不復來入寇或
別擾他城該處兵力尙單若必待援於伊犁恐一時有鞭長莫及
之勢著常清遵照前旨就近帶兵前往督剿設賊眾猖獗必須伊

犁發兵援應圖伽布亦卽馳往督辦務當合力兜擊將該匪迅速撲滅不至回民受其裹脅方爲妥善至該匪入卡起釁根由並著常清倭什琿布確切查明據實具奏仍一面知照烏什嚴密防堵毋令紛竄將此由五百里各諭令知之○丙申 上詣迎暉殿大行皇太后几筵前行大祭禮○丁酉諭軍機大臣等本日據和春等奏稱前奉部續撥浙江鹽課銀七萬四千兩協濟皖餉據何桂清咨稱無款動解惟皖省待餉甚殷自當力籌協濟著何桂清酌度情形不拘何款撥銀數萬兩派委妥員解赴廬州軍營以應急需將此由五百里諭令知之○予河南陣亡遊擊伊林布等江蘇陣亡知縣鄧楚翹等祭葬世職○戊戌諭內閣朕仰承 大行皇太后慈恩覆庇禮極尊崇 山陵大事亟應敬誼吉壤惟念 慕陵妃園寢爲 皇考欽定位次卽爲 大行皇太后靈爽所憑

自應恪守 成規藉安 慈馭謹將 慕陵妃園寢恭定爲 慕
東陵此次奉移 大行皇太后梓宮卽暫安 慕東陵正殿所有
應行添建工程著派吏部尙書翁心存兵部尙書阿靈阿工部右
侍郎基溥會同前往敬謹辦理○己亥 上詣迎暉殿 大行皇
太后几筵前行初滿月祭禮○諭內閣本日已舉行 大行皇太
后初滿月祭禮嗣後王公官員等服色均著照百日後之例穿尋
常袍青鞋並戴緯帽其在京兵丁旗人等前經禮部奏請照民人
之例於一月後嫁娶兵丁旗人與軍民人等一月後旣准嫁娶並
著一體薙髮○諭湖南提督塔齊布由侍衛揀發都司存升遊擊
副將在湖南剿賊疊著戰功朕知其忠勇奮發由副將超授提督
上年帶領官軍克復武漢追賊九江身經百戰所向無前疊經朕
賞戴花翎並賞給喀屯巴圖魯名號騎都尉世職賞穿黃馬褂該

提督年力正壯方冀迅克溥郡淨殄妖氛渥膺懋賞本日據陳啟
邁奏該提督斗患心悸甫經一日在營病故披覽之下悼惜殊深
塔齊布著照將軍軍營病故例賜卹准其入城治喪任內一切處
分悉予開復應得卹典該衙門察例具奏並著該旗查明該提督
子嗣百日後帶領引見候朕施恩尋予祭葬諡忠武○諭陳啟邁
奏進剿義甯州賊匪疊獲大勝克復州城一摺逆匪自占踞義甯
州城後南北兩岸近城險隘俱築營壘以圖抗拒七月十三日浙
江甯紹台道羅澤南移軍駐紮乾坑賊眾七八千人分路鈔來該
道率同候補縣丞蔣益澧等併力夾擊斃賊六百餘名生擒五十
餘名十四日賊眾四五萬由鳳凰山等處進至鼇嶺我軍分隊截
擊殺斃一千六七百人經各勇追殺又斃二千餘人其右路之賊
占踞雞鳴峯頂四面被圍殺斃跌斃者甚多統計斃賊六千餘人

生擒二百七十餘名奪獲大小旗三百餘面十五日贛州鎮總兵劉開泰於南岸分路進兵直搗賊營殺斃三四千人斬獲首級五百餘顆生擒二百四十餘名是日午刻羅澤南復派兵於雞鳴峯等處截殺焚燒賊營賊眾大潰投水者千餘人十六日劉開泰羅澤南約同南北兩軍合剿各兵勇奮力登城州城登時克復殺斃賊匪千餘人生擒四百餘名此次剿賊連獲大勝克復州城辦理尙爲得手羅澤南著賞加布政司銜劉開泰著交部從優議敘安慶府知府李縝賓著交軍機處記名以道員請旨簡放知州銜候補知縣李杏春候選知縣唐訓方均著以同知直隸州知州不論雙單月卽選候補縣丞蔣益澧著以知縣補用並賞加同知銜候選訓導鍾世楨著以知縣升用候選從九品蕭積仰著以府經歷縣丞不論雙單月卽選千總吳光柱記拔千總卽補把總吳邦樞

候補千總孫衡山均著免補本班以守備補用守備林保戴正才均著以都司升用其餘在事出力員弁著文俊查明另行彙案奏請獎勵○諭軍機大臣等李鈞奏遵旨覆陳蘭陽大工情形一摺見因軍務未竣籌餉維艱蘭陽大工不得不暫議緩堵該河督已派張亮基前往被水各州縣會同履勘設法疏導其如何防護城垣村莊截流束水俾無支分泛濫之處著俟該委員等查勘明確卽行繪圖貼說詳悉具奏至蘭陽汛口門以下各廳隄埽以及東境張秋鎮穿運處所補隄挑河各工若查係必不可緩著該河督設法籌款次第辦理不可因大工有緩堵之議稍涉大意將此諭令知之○諭陳啟邁奏提督塔齊布病故等語楚南水陸兩軍互爲聲援全賴統領得人方可得力該提督據爾湓逝雖據陳啟邁奏稱曾國藩見已親往潯營分別部署惟水陸兩路斷難以一人

兼顧著曾國藩於江西兩營帶兵之文武官員中擇其謀勇並裕
可爲統帥者據實保奏並無論他省及各路軍營人員果爲該侍
郎素所深悉者均准奏請調往俾令統帶全軍藉資勦辦見在九
江逆賊深恐奔突或致蔓延曾國藩諒能妥爲防範並著速行奏
報將此由六百里諭令知之○庚子大學士九卿等遵旨敬擬恭
上 大行皇太后 尊諡曰 孝靜康慈弼天撫聖皇后奏入
上宣諭曰欽惟 大行皇太后德懋溫恭儀昭恪慎 雍肅樹宮
闈之範 慈祥垂覆育之恩 大嫔難名 遺徽永著愴懷 摯
愛宜極推崇昨以 仙馭遐升特命廷臣議崇 諡號茲據大學
士九卿等會同集議敬謹擬上 尊諡並博考載籍酌覈以聞朕
忍痛摭誠彌難自己伏念緣情制禮 劬恩宜報以 隆稱酌古
準今 盛典恪遵夫 成憲 詳閱諸臣所奏援引古禮請於

尊諡之下不加 廟諡爰考會典所載 太祖高皇帝三后惟
孝慈高皇后配祔 太廟 諡號稱高是別殿奉祀稱號宜殊非
惟前代之舊章實本我朝之定制今 明禋鉅典朕不敢以感
恩之故稍越常經 景饒鴻名朕何敢以盡孝之私致逾定禮自
應俯如廷議謹就 徽號康慈二字合之恭上 尊諡稱曰 孝
靜康慈弼天撫聖皇后庶幾體 謙冲之至意億禩咸欽展尊敬
之微忱環瀛共諒上儀允洽茂典式符所有應行典禮該部敬稽
成例具奏○辛丑官文奏接據探報德安賊匪分股竄至應城兩
河口地方攻撲營盤顏朝斌帶兵繞道夾攻都司馬天貴奮勇直
撲手刃數賊賊始敗退追殺數里斃賊七八百名南路官兵攻克
漢鎮後署撫 臣 胡林翼督率攻城武昌漢陽逆匪數千分三股來
撲大營兵勇迎擊鏖戰四時始行敗退回巢次日逆賊又分六路

齊撲署撫臣大營復有賊船對營施放大礮大營安然不動相持
數時我營兵勇奮力突出署撫臣亦身先士卒復得李光榮帶領
水陸各軍接應轟斃賊匪數千追殺不計其數僉謂此戰爲非常
之勝見在賊膽已寒克復不遠臣權紫仙桃鎮隨身兵勇數百藉
沔陽圍練之眾爲諸後路應援當相機調度隨時策應報聞○王
寅喀什噶爾領隊大臣倭什琿布等奏喀什噶爾卡外賊匪起意
滋事先期拏獲復有夷匪糾約布魯特竄入卡內滋擾經官兵迎
擊獲勝餘匪逃竄遠颺官兵撤回歸伍見在嚴密防堵報聞○癸
卯曾國藩奏查提臣塔齊布肫誠報國忠勇絕倫自其爲都司時
毅然有殺賊立功之志上年蒙恩超擢提督出師岳州途次於左
臂涅刺忠心報國四字每戰匹馬當先或他營被賊圍困輒躍馬
馳往救援湘潭之戰被賊圍攻縱身越牆得脫崇陽黃梅兩次受

傷均以麾下易馬扶去得脫小池口之戰羣賊曳其馬尾揮刀砍之卒能縱橫衝突轉敗爲功賊中驚以爲神而該提臣雍容恬退未嘗自伐其能宅心仁厚所得薪水銀兩盡以犒賞士卒身歿之後軍士百姓同聲痛哭臣軍失此名將大損聲威十九日臣馳赴九江陸營照料喪事卽暫駐潯城統領陸兵拊循士卒保此勁旅惟念塔齊布出師二年日夜憂勞齋志長逝並無子嗣家世清貧上有老母其湘潭岳州之戰保全湖南厥功甚鉅仰懇天恩准於湖南省城建立專祠以慰忠魂而洽民望上從之○丙午塔爾巴哈台辦事大臣英秀等奏土匪流民聚眾焚燒俄羅斯貿易圈子並劫貨物諭扎拉芬泰派員會同前往查辦○以捐輸軍餉永廣浙江鄉試中額一名錢塘縣學額十名山陰會稽各三名仁和餘姚上虞各二名嵊縣一名○丁未諭軍機大臣等御史張佑

奏州縣藉差冒銷一摺據稱 陵差經過地面所費皆由各州縣
協濟並分段攤派地方官不應再領辦道銀兩乃前任宛平縣楊
春和等報銷竟至六萬六千餘兩或八萬餘兩不等又稱大興縣
李朝儀被前署柏鄉縣費懋德挾其冒銷底簿勒分銀一千兩宛
平縣知縣何蘭馨被因案擬遣之知縣高銜強欲抽分銀八千兩
稟揭有案等語著順天府府尹直隸總督查明據實具奏此後差
務報銷如何覈實攢節以重經費著查照舊案嚴定章程以杜弊
混原摺鈔給閱看將此各諭令知之○戊申諭內閣葉名琛柏貴
奏連州等城被匪攻陷先後克復一摺上年四月間廣東連州有
賊匪竄入疊經官軍擊退七月間復有英德匪徒竄至並分股駕
船於閏七月二十三日將三江城池攻陷署三江協副將博爾恭
阿自焚殉難署都司光裕等亦皆陣亡賊匪併力攻撲州城知州

張壽齡隨往上水堡地方集團協剿鄉民赴援者數萬人署吏目
沈華亭等亦招聚散亡兵勇先後趕到至本年二月十六日奮勇
進攻連州三江城池同日克復斃匪二千數百名生擒七十餘名
擊沈匪船十餘隻淹斃匪徒不計其數奪獲礮位旗幟等無數其
連山廳城亦於閏七月二十五日被匪闖入張壽齡密飭巡檢史
致熙勸諭團練合力攻剿斃匪一千餘名於十月初七日將廳城
克復此股賊匪疊陷城池經兼理知州張壽齡等會督弁兵激勵
紳團將三城次第收復並將通賊之毛永康當場殺斃功過尙足
相抵張壽齡等均著免其參處所有在事出力員弁紳民著葉名
琛等酌量保奏○諭葉名琛柏貴奏匪徒竄至永安縣圍城滋擾
疊經剿捕獲勝一摺上年閏七月間匪徒等由歸善杉園地方竄
至永安縣屬藍塘滋擾疊次攻撲縣城署永安縣知縣吳贊誠督

率兵勇分投抵禦共計殲斃五百九十餘名負傷奔逃三百餘名
生擒五十餘名餘匪潰逃城圍立解該匪復糾合夥黨於鷓鴣塘
藍塘墟黃塘欖樹圍等處竄踞肆擾吳贊誠等督飭紳士兵勇奮
力擊勦計共殲斃三百餘名生擒四十餘名其屯聚鮎魚浦地方
之匪復被壯勇圍剿擊斃三百餘名生擒首夥匪犯七十餘名餘
匪旋即敗遁本年二月復糾黨二千餘人滋擾藍塘吳贊誠會同
委員喬泰階等督率壯勇練丁分路迎擊焚毀賊巢自黃泥凹追
至杉園地方共計斃五百餘名生擒五十一名奪獲礮位器械無
數此股匪徒由歸善越竄永安疊次滋擾剿辦尙屬得手著葉名
琛等嚴飭在事將弁奮力追勦務將醜類盡殲勿畱餘孽該署知
縣吳贊誠督同紳士嬰城固守各路分剿俱臻安速著該督撫覈
實保奏○己酉胡林翼奏漢陽蔡店賊匪屢次大股犯撲多山

臣

於七月初五日帶兵千餘渡江擊退初六日仍回金口初八日探稱賊匪又糾大股來犯臣思往返馳援不如深入力戰卽調水師左營知府彭玉麟帶領三板礮船由沌口繞出蔡店臣親督各勇四千名於初九日渡江渡湖十一日拔營進抵東山十二日該逆又由蔡店分五路來撲我營臣卽飭各勇分五路以待之俟其逼近乃親督各勇鼓行而前連斃賊匪百餘名我軍一齊乘勝衝殺直逼蔡店沿途殺斃及溺斃賊匪約二千餘人敗匪沿河逃竄適彭玉麟帶同後營都司張啟基中營守備鮑超各領三板礮船由沌口繞入十二日行抵蔡店彭玉麟等催漿前進首先開礮轟斃騎馬黃衣賊目一名又登岸追殺陸軍四面圍攻斬殺三百餘人盡將賊船轟翻蔡店卽時克復十五日臣營及水師各營移紮高廟水陸並進分攻漢陽漢鎮南北兩岸賊匪併力抗拒經彭玉麟

會同副將楊載福激勵水師自十五至二十五連日奮力攻剿北岸宗閣南岸慈渡菴五顯廟等處賊巢悉行平毀並斬斷襄河口鐵索浮橋上下游分泊賊船焚毀殆盡乘夜搜捕漢口餘匪生擒僞官蕭潮富僞軍師吳會元等並長髮二百餘名正法其塘戶賊船亦先經楊載福燒毀至漢陽城內之賊於大別山等處分築營盤以死踞守臣卽於十五日將陸軍分作三隊進攻並飭副將王國才帶兵協剿十五至十八等日攻破大別山等賊壘數處其南岸金口軍營屢有武昌崇通之賊潛來窺伺經臬司李孟羣等斬擒老賊一百數十人臣思該逆踞守已歷數月之久此時大局德安尙未得手而南岸金口北岸湓口實爲全局關鍵如兩處慎守不失則水陸之後路無虞而德安之賊勢已孤水師深入險地轉戰十日破賊壘十餘座奪賊船數十隻奪大礮三百餘尊焚賊資

糧船六百餘隻血戰尤苦出力弁兵可否仰懇 天恩先行獎勵其陣亡員弁請分別賜卹 上諭內閣胡林翼等奏水陸官軍連日轉戰統計攻破賊壘十餘座焚燒賊船六百餘隻奪獲賊船數十隻大礮三百餘尊擒斬賊匪四千餘名並生擒僞官蕭潮富僞軍師吳會元等正法餘匪焚斃溺斃者不計其數辦理極爲得手出力員弁兵勇著胡林翼查明保奏守備黃開進唐培植千總蔡宏元把總王席珍王席義外委張輔童玉庭陸洪福金芝龍六品軍功蔣青海王鳳岐樊丙南何肇昌力戰陣亡殊堪憫惻均著交部從優議卹其餘陣亡弁勇並著咨部請卹○諭軍機大臣等昨據官文奏酌帶兵勇於初七日起分起折赴德安此時諒已陸續馳抵該郡與西凌阿等南北夾攻本日據西凌阿等奏已於七月二十九日移營長林岡八月初九日進攻府城間有斬擒該逆堅

匿不出覽所奏情形東西北三面尙皆聲勢聯絡惟南面一帶無兵截剿官文前派顏朝斌由應城取道前往會攻何以日久尙未見到該督見又將中路川兵派往顏朝斌處是該參將所帶兵勇較多著卽嚴行札催飭令迅速前進截住德安南面俾該逆無從下竄則攻克較易爲力而官文亦可兼顧水陸兩路據西凌阿等奏獲犯供出德安之賊竄回漢陽者三千名存城之賊不過五六千人並有已往金陵求救之語是該逆不能堅拒必圖南竄卽死守待援亦必從南面勾結其漢川漢陽兵勇礮船雖有常恩管帶是否足恃魁玉等接駐仙桃鎮能否嚴扼中路並著官文妥籌布置德安府城固不可不以全力進攻胡林翼一軍深入無援亦不可不爲接應庶免顧此失彼西凌阿此次進攻府城仍未覓實有把握此時各營兵勇已步步進紮卽著迅速設法務將城池剋期

收復以便與官文合兵南下直擣漢陽不得因該逆見已不能北竄遂視進取爲緩圖儻曠日相持賊援踵至該大臣等延誤之罪不能曲貸也將此由六百里加緊各諭令知之○予湖北陣亡參將劉富成祭葬世職○庚戌向榮吉爾杭阿奏鎮江逆賊於七月十七日大隊突出東門經余萬清督飭兵勇迎頭截擊臣吉爾杭阿復督飭各營進攻西南二門並於沿江堵截金山瓜州來援之賊十八日有零星賊匪在東北一帶窺伺經官兵追逐卽逃竄入城十九日臣吉爾杭阿馳赴京峴山會同余萬清調度出隊時已黎明該逆分作四股由東門東北城根甘露寺等處撲出經參將周兆熊千總俞承恩等分路迎剿見有賊目揮令人夫砌築土埂經周兆熊等抽兵兜截立將其所築營基礎臺土埂全行平毀逆勢不支狂奔入城二十一日該逆又分四股而來經劉存厚等分

路攻截臣吉爾杭阿與余萬清親督大隊四路並進槍礮齊施自辰至酉共斃賊匪五六百名割取耳級旗械不計其數賊匪敗退臣等仍當隨時激勵將士力圖進攻以期滅此朝食上諭內閣此次鎮江剿匪業經連日獲勝仍著吉爾杭阿激勵將士趕緊攻克城池毋再遲延○諭軍機大臣等扎拉芬泰等奏派員安撫夷人備兵策應一摺俄羅斯貿易夷人因與它金民人結讎致有焚燒圈子搶劫貨物之事不過細故小嫌英秀遽行咨調弁兵經扎拉芬泰等派員前往查辦既據該夷官匡蘇勒呈稱辦法平允該商人不致進卡私鬧英秀等惟當將未獲各犯趕緊嚴拏遺失貨物按令賠償庶不至搆兵起釁扎拉芬泰等雖豫備應援仍派員先往安撫不若英秀等之張皇失措正與前次諭旨相符辦理尙屬妥協本日已諭理藩院將見在嚴辦各犯情形咨行薩納特衙

門該將軍等一面飭令協領圖們泰哈布齊賢明白開導並移付西畢爾令該夷商聽候訊辦勿得輕率貽誤將此各諭令知之○辛亥諭軍機大臣等駱秉章奏軍餉緊急請飭四川速籌借撥一摺湖南南北兩路均屬喫緊防剿兵勇數至兩萬有餘欠發各營鹽糧有自月餘至兩月者司庫道庫提用無存情形實屬急迫四川爲完善省分自應代籌接濟著黃宗漢於該省無論何款暫行借撥銀十二萬兩委員解赴湖南以濟急需俟湖南捐輸錢糧徵收有款卽行陸續撥還將此由五百里諭令知之○甲寅旨國藩奏七月十四日賊船由鞵山來撲水營蕭捷三等用礮轟擊賊眾敗奔我軍追剿至四十里始行收隊是日聞知李元度等統帶平江勇三千餘名由南康渡湖行至段家鋪接擊僞監軍旅帥等十一名十九日進至文橋生擒僞總制劉得勝等十一名均訊明正

法二十一日至蘇官渡探知湖口逆首僞承宣胡鼎汶親率悍賊千人來撲我軍三路迎勦行至曹均橋見賊馬三十餘匹駐阜瞭望各軍爭先開礮鏖戰一時陣斬賊目多名該逆復退兵五里至蘇官渡過壩復駐山岡卓旗搦戰我軍併力馳擊追至三家市斃賊五六百名奪獲旗幟器械無數二十三日李元度等三路並進直抵湖口賊舟用礮回擊我軍誓死不退用擡槍轟斃船賊多名其城內賊營溝寬丈餘各勇從礮煙中一躍而進拆毀營牆斃賊及蹂踐死者三百餘人隨將城內火藥局糧局焚燒我軍旣入湖城踏平賊營二座惟瀕湖下鐘山賊壘尙存牆極堅固地尤險峻中藏悍賊千餘我軍大呼躍近連擲火毬該逆亦以礮石火彈相擊拒戰數時殺賊百餘人是日水師各營亦抵湖口遙見陸兵已臨城下皆奮勇直進後營都司蕭捷三見賊兇悍揮旗大呼陷陣

諸船隨之並進意欲乘勝直下不意下鐘山及梅家洲兩岸賊牆排礮齊發蕭捷三中礮陣亡我軍雖折一將各營仍奮力向前當賊舟出巢時乘勢而入頃刻之間衝出賊卡駛至大江之外賊敗船亂我軍環攻賊舟近前拋擲火彈將下鐘山賊礮船二十五隻立時燔燬其裝載火藥者亦皆燬滅二十四日陸軍昇銅礮數尊對下鐘山賊牆轟放賊情窘迫突開南門出數百人登山劫礮又殺其數十人二十五日李元度等以下鐘山賊卡急難攻克仍紮離縣十二里之蘇官渡臣查該逆久踞湖口恃有下鐘山與梅家洲對峙踞險築卡堅如石城水軍經過莫敢逼近目下陸軍雖入縣城水軍雖衝出大江而兩岸賊牆未破必須厚添勁旅先奪下鐘山之卡使梅家洲賊卡勢成孤立然後水師紮出外江乃操勝算見復籌添陸兵前往助剿此次殺賊千餘名受傷兵勇至二三

百名之多實屬勇敢出力籲懇 皇上天恩容 臣擇尤保敘都司
蕭捷三中礮陣亡使 臣頓失指臂之助深堪憫惻請飭部照副將
例議卹 上諭內閣此股賊匪經官軍水陸會剿連獲大勝著曾
國藩督飭各軍迅將下鐘山梅家洲等處餘匪悉數殲除毋任久
踞所有在事出力員弁兵勇並著曾國藩查明保奏都司蕭捷三
交部照副將陣亡例議卹○諭軍機大臣等載增奏荊州門戶緊
要擬親往潛沔一帶督兵堵剿一摺據奏賊由府河竄出常恩所
帶兵勇遇伏潰敗傷亡甚多胡林翼漢陽大營被賊潛襲兵勇驚
潰禁店亦於初五日復失魁玉在沔陽僅止兵勇二百名荊州門
戶空虛自係實在情形該署將軍欲親往潛沔一帶原爲嚴扼中
路之計惟所稱前往該處代督官文水陸諸軍以便該督閒道輕
騎馳赴德安似欲將官文所統各軍畱於潛沔而於官文往就西

凌阿之軍所慮未爲周密官文帶往德安之兵已於初七日啟程勢不能再令折回沔陽且進攻城池亦非可以單騎從事該署將軍到沔後所謂代督者仍不過魁玉蕭蔭恩兵勇其李保邦等漢川一路及顏朝斌由應城赴德安一路皆係官文所統均不能撥歸潛沔一帶如果沔陽等處魁玉竟不可恃必須該署將軍親往止可咨商官文酌量抽撥兵勇以資堵剿其水陸各軍何路應駐漢川何路應赴德安仍由官文調度所彼此皆能相顧方爲妥善將此由六百里加緊各諭令知之○乙卯諭內閣前據禮部奏遵議臣工服色並酌擬嫁娶宴會限期各等語當將原摺片畱覽除百日內臣工服色及兵丁旗人嫁娶限期業經降旨遵行外其百日後王公大臣文武官員均著穿常服不挂朝珠至凡筵前仍穿青袍挂帽摘纓緯凡遇祭祀齋戒執事人員以及朝會各典

禮照例均用吉服所有本年十月二十二二十五兩日仍用常服挂
朝珠自奉移 山陵後服色一切照常至官員嫁娶期限無論近
派宗室遠派宗室覺羅以及滿漢大臣文武官員均著於百日後
准其嫁娶作樂俟奉移 山陵後 具尋常宴會作樂○諭軍機
大臣等和春福濟奏攻剿西山賊匪獲勝並攻城情形一摺逆匪
於大蜀山一帶偷築營壘經和春等督兵攻剿將賊營四座奪獲
殲賊多名辦理尙爲得手惟廬城未下兵勇連日環攻賊猶死拒
見於南面要路開挖濠溝固可杜賊紛竄之路但於官兵進剿有
無隔礙似非長策見在外援之賊殲擒不少廬城賊黨諒必無多
諒提督等當乘賊勢窮蹙之時奮力進攻迅圖克復該省錢糧既
徵收不起軍餉皆仰給鄰省而各省概行支絀未能隨撥隨解情
形至爲緊迫該提督等尙不及早克復城池曠日遲久伊於胡底

秦定三一軍攻勦舒城屢次附片陳奏無非互有勝負總未得手亦屬延玩並著和春等飭令迅速攻勦剋期收復毋得任意遷延自干咎戾將此由六百里加緊諭令知之○福濟奏捻匪張落刑等復肆嘯聚盤踞蒙城縣之雉河集四出滋擾攻撲城池臣令潁州府知府陸希湜督同官兵勦捕雖經擊退尙未大創見在焚掠各鄉勢頗猖獗接界之阜潁宿毫鳳懷各州縣紛紛稟請發兵已飭駐守臨淮之署臬司恩錫派勇二百名就近往援茲又札飭廬鳳道張光第抽調兗州兵三百二十九名中正營勇四百十二名派都司戴世熙等分帶前往交該臬司調度會同陸希湜集團兜勦務絕根株報聞○予安徽陣亡遊擊玉崑等祭葬世職○丙辰諭軍機大臣等官文奏金口陸營失陷大江賊勢復熾請增兵催餉一摺胡林翼一軍前由金口力戰渡江進逼漢陽茲因崇通股

匪竄撲金口李孟羣力戰四日眾寡不敵以致陸營失守水師勢孤胡林翼與李孟羣素來用兵尙合機宜見雖兵勇潰敗逆燄復熾諒能重整隊伍不至頓挫軍威義甯州城業已克復羅澤南帶兵接捕股匪已至崇通一帶官文見已飛調前赴金口會剿該處距武昌不遠著胡林翼就近傳令迅速赴援勿稍遲誤蔡店上竄之賊已經擊退襄河似可無虞該督布置中路情形亦屬周妥惟當會督兵勇速攻德安以期及早克復然後合兵南下則胡林翼一軍不至孤立而武漢各城亦可次第奏功矣本日據王慶雲奏已籌撥餉銀三萬兩於本月十七日解赴楚北大營其山東四川應解餉銀已諭令該督撫迅速撥解並諭令陝西省速籌銀數萬兩解赴襄陽糧臺交該督等分撥應用將此由六百里加緊各諭令知之○諭官文奏金口等處官軍失利請飭催餉銀等語胡林

翼等水陸官軍因崇通股匪勾結武漢賊眾竄撲金口以致兵勇潰敗餉糈缺乏著吳振械無論何款項下速籌銀數萬兩派委委員剋日解往襄陽糧臺爲胡林翼李孟羣水陸各軍支發兵餉之用四川山東兩省昨經戶部奏准令崇恩將漕糧變價銀十萬兩內五萬兩解西凌阿軍營五萬兩解官文軍營並令四川撥銀三萬兩解赴官文軍營著黃宗漢崇恩遵照前旨迅速籌撥除西凌阿軍營之五萬兩徑解德安外其餘應解官文各餉銀均著按照前撥數目派委解赴襄陽糧臺應用務期剋日起解毋稍延緩致誤急需其起解日期並著先行馳奏將此由六百里各諭令知之○予湖北陣亡府經歷胡炳奎祭葬世職○丁巳諭軍機大臣等英桂奏拏獲輝縣首犯並河北三府情形一摺匪徒楊景幅等均係滋事首犯見經先後拏獲正法該撫派令崇安等搜捕餘匪並

飭傅壽彤周士鏜等分赴新懷相機解散辦理尙屬妥協該匪徒等聯莊抗糧情同叛逆除未獲首犯嚴拏懲辦外其餘脅從之眾如果悔罪投誠概予免罪以省株連其林縣安陽等處聯莊見未解散亦當一面懾以兵威一面剴切曉諭寬其既往予以自新著英桂斟酌情形督飭該鎮道等妥爲辦理總以迅速肅事不至重煩兵力爲要另片奏皖省捻匪竄抵豫境見經兵勇援應等語張落刑蘇添幅二犯俱係著名捻首見復糾眾劫掠著飭令張維翰王榮第添募壯勇會同皖省兵勇實力堵剿設法擒拏遊擊瑚圖凌額同赴歸德應援是否可靠參將達凌阿下落並著查明具奏將此由五百里諭令知之○庚申諭內閣黃宗漢奏遵旨訊明要案請將道員革職知縣解任備質一摺四川南溪縣廩生萬時恬等被控謀叛一案日久未結經前任學政何紹基奏參當交黃宗

漢確查提訊茲據奏稱訊明萬時恬並無謀叛情事告病永甯道汪堃自認辦理錯誤業經該督將此案平反該道汪堃訪拏重案並不細心推鞠幾陷無辜於重辟審斷錯謬實非尋常疏忽可比汪堃著卽革職卽署南溪縣榮昌縣知縣麟勳於該道飭拏匪犯雖訊無縱放情弊惟未卽將王心一獲解以致案延不結亦屬怠玩麟勳著暫行解任備質所有案內押斃各命是否係該道妄拏濫押所致並該縣麟勳有無饒送該道銀物情事著黃宗漢提集人證卷宗秉公研訊務期水落石出以成信讞○福建漳州鎮總兵官張國樑奏報謝恩得旨朕聞汝在軍營甚屬奮勇實堪嘉獎汝其竭誠報效於猛勇之中加以慎重以副朕恩○是月展緩浙江定海廳被水被旱地方節年減徵額賦緩徵江西安仁縣近賊地方上年額賦

東華續錄

咸豐五十二

臣王先謙敬編

臣陶潛宣恭校

九月辛酉朔諭內閣何桂清奏請將革員免罪等語已革河南參將師長鑣前在揚州帶勇潰散降旨革職發遣新疆旋因楊以增奏准其赴浙效力贖罪該革員自到浙後歷經該撫委赴廣德清弋江等處防堵並在杭州省城練兵彈壓均能得力師長鑣著免其發遣仍畱浙江效力以觀後效○胡林翼奏據署臬司李孟羣稟八月初一日賊撲金口陸營李孟羣親督水陸擊退初二日賊又悉銳而來李孟羣飭令陸營堅守以待賊已敗退復糾大股分六路來撲陸營始尙力戰繼乃潰散李孟羣趕調水勇登岸救應因陸勇已散水師亦孤必須撥兵應援等語臣思武漢之要以金

口沌口蔡店爲最著遂以陸師三千人畱防金口飭李孟羣管帶
仍以水師護之臣自率陸師四千人渡江會彭玉麟楊載福水師
由蔡店冒險深入轉鬪而前圍攻漢陽無如漢口無兵分守漢陽
之城未能卽下而黃州德安之賊分股來援初二初三日賊以下
游調來礮船轟臣營帳傷斃臣左右數人適都司鮑超以礮船下
擊賊乃退走臣思內河寬不逾丈水師礮船不能久泊且漢陽之
攻戰方緊而金口之警報旋來臣若全軍赴援則北岸皆爲賊有
欲分軍回救則兩岸皆覺兵單卽於初四日由漢陽退二十里駐
蔡家嶺圖扼蔡店以待北師而臣營勇糧已積欠至八九十日不
等因於麥山扼要安營初八日賊以大股分七八路圍撲臣營各
勇竟以無糧不肯出隊臣激以大義督令出師強而後可逆匪以
數千鈔後大眾散走臣見在一面督集潰勇暫駐太軍山一面飛

催餉項補放口糧見派鮑超設法另募陸勇或可漸次整理惟軍氣旣頽非援兵大集南北夾攻則武漢之克復難期逆賊之蔓延更甚臣平日訓練不力督率無方以致藉詞餉絀譁潰時聞應請將臣嚴行治罪以肅戎行惟是武漢情形水師雖尙完全而大局實已危迫荊州沔陽岳州等處均恐分軼滋擾不敢不以實陳伏乞 天恩飭令川省廣籌兵餉速爲接濟則臣幸甚天下幸甚又奏湖北軍務喫緊急宜徵兵集餉力保荆襄非南北夾攻楚蜀合力難期補救臣謹就見在情形細審之臣軍藉口潰散卽使收集大半氣已不振副將王國才一軍更多冗雜均應大加裁汰夫兵勇之不强患在不精餉卽因之日絀若不藉此裁汰則正餉愈分而愈少欠餉日積而日深外侮可虞內訌尤可慮查有水師都司鮑超勇敢知兵臣已遣往湖南另募新兵三千人迅來鄂省勦辦

又思九江湖口江面既無水師卽使圍攻經年賊之往來自便不如併力從湖南湖北節節打通乃可水陸東下合於九江浙江甯紹台道羅澤南屢戰有功前此臣曾國藩派剿義甯卽擬進攻武漢應請飭下曾國藩仍派羅澤南一軍並益以精兵一二千迅速來鄂會剿若仍株守九江似於大局無補至荊州一府係東南一大關鍵國家設立駐防鎮守立法至爲精微惟城兵太單戰守均難分布萬一賊匪窺伺深爲可虞應請飭下四川督臣黃宗漢速帶精兵一二千名親來荊州鄂城一帶堵剿專督江漢之師兼理江漢之餉庶臣等得以專意攻戰不虞餉竭此臣所擬陸軍補救情形也至賊匪力踞長江之險非水師得力不能制其死命曾國藩之勘立水師實爲識時務之要著自三板入湖九江遭風之後下游久無水師故九江湖口安慶廬州均因江面賊舟充斥湖港

分歧陸軍竟不得手武漢幸有礮船而臣之陸軍先散王國才亦稍稍引退水師孤立賊蹤已繞出其後此時應以力保水師暫屯嘉魚新隄等處以待陸軍之再整惟水師十營未盡得力月需餉項四萬餘兩積欠七八十日不等不如及時汰去怯弱以節虛糜而養精壯臣與副將楊載福面商退屯新隄修整船隻將各營水師均交該副將親自揀選極力裁汰免致餉項日久更絀楊載福力主兵貴精不貴多之議誠爲洞悉機宜此又水師之應速裁汰者也應請飭下四川督臣廣籌糧餉按月接濟臣亦當迅速整旅早圖滅賊上諭軍機大臣等賊鋒猖獗南北兩岸胡林翼實難兼顧前據曾國藩奏官軍已入湖口縣城師船衝出大江惟下鐘山與梅家洲賊巢未破本日又據陸元烺奏湖口連獲勝仗馬一拈收復都昌勦辦已有頭緒此時武漢賊情較爲喫緊著曾國藩

仍飭羅澤南迅卽帶兵赴鄂會剿冀可轉敗爲功諒曾國藩必能妥籌全局速飭應援也將此由六百里加緊諭令知之○諭胡林翼奏餉絀兵潰請飭川督帶兵赴楚並飭四川等省按月濟餉等語見因胡林翼陸兵潰散水軍孤立無援戰守均形單弱官文已赴德安會同西凌阿督兵攻剿萬一賊匪上竄窺伺荊州深爲可慮前有駐紮夔巫之署松潘鎮總兵德恩帶兵二千名著黃宗漢先令馳赴荊州一帶協剿如該員不能得力卽於鎮將中另派妥員帶兵前往其夔巫等處與湖北接壤防堵尤關緊要該督應否親自督兵駐紮抑或另派大員帶兵防守並著體察情形酌量辦理至胡林翼軍營餉糈缺乏自應急籌接濟前已諭令吳振械於該省無論何款速籌銀數萬兩解往義陽糧臺應用並著黃宗漢遵照前旨迅速籌撥該督等接奉此旨後卽悉心廣籌糧餉按月

名撥銀數萬兩解赴襄陽糧臺爲官文胡林翼水陸各軍支發兵
餉之用務當源源解楚毋稍延誤將此由六百里加緊各諭令知
之○諭胡林翼奏收集潰軍急籌防剿各等語此次賊匪由崇通
興國撲我金口陸營德安應城之賊亦從上游分竄漢口兵勇潰
散胡林翼暫駐大軍山收集潰勇加以裁汰並募湖南得力壯勇
以振軍威惟湖南募勇尙需時日卽川兵亦恐未能速到著飭李
孟羣王國才等力圖整頓不可挫折銳氣使賊勢益張並飭楊載
福趕將船隻修捻以資防剿俟羅澤南一軍到楚水陸均有策應
庶大局尙可挽回前據載增奏常恩在柘樹口遇伏兵敗以致賊
撲蔡店沔陽之匪亦突出鈔襲該署將軍已親赴潛沔堵剿已令
官文妥籌兼顧著胡林翼隨時咨商官文等不至顧此失彼方爲
妥善將此由六百里加緊諭令知之○予浙江陣亡副將姚武成

等祭葬世職○壬戌諭內閣向榮奏河南解營火藥不堪應用等語軍營火藥最關緊要似此製造不精然放無力貽誤軍機可惡已極著英桂將軍需局承辦各員查取職名交部嚴加議處工價運費等項均著勒令各該員賠補嗣後該省續解軍營火藥如再不堪應用卽著嚴參懲辦○癸亥諭內閣大學士卓秉恬由翰林科道擢正卿進秩綸扉克稱厥職朕御極後見其宣力有年老成持重方資倚畀前因患病疊經賞假冀其調養就痊長承恩眷遽聞溘逝悼惜殊深著加恩贈太子太保銜賞給陀羅經被派睿親王仁壽帶領侍衛十員卽日前往奠醑所有任內一切處分悉予開復應得卹典該衙門察例具奏伊孫監生卓景濂卓景洵均著賞給舉人一體會試以示優待耆臣至意尋予祭葬謚文端○諭軍機大臣等楊以增奏賠堵豐工舊口門定期興工一摺前因

車務未竣籌餉維艱蘭陽堵築漫口非數百萬帑金不能集事恐一時難以興辦而橫流旁溢無所歸宿災民顛沛流離朕心不勝軫念業經諭令李鈞派委張亮基會同直隸山東河南地方官委員等詳悉履勘將黃流漫溢之處疏通歸海蘭陽大工即可暫議緩堵見尚未據覆奏所有豐北口門亦應暫緩興築俟李鈞等定議如何再行酌辦至該河員等應賠款項不得以暫緩興工藉口觀望著楊以增飭令各按應賠成數迅速完繳並著先行勸諭捐輸俾經費得以充裕一俟蘭陽擇日興工即可同時並舉所有賠項捐項均於集有成數後隨時奏聞不得那作他用至蘭陽漫口議者有謂宜因勢利導使河流徙歸北趨由大清河入海者此時命張亮基等查勘止爲目前緩築之計若欲從此徙河北流事關大局尙須特派大員詳加履勘非可草率從事楊以增熟諳河務

於古今治河源流諒能通曉如有所見不妨據實敷陳以備採擇將此由五百里諭令知之○調匡源爲吏部右侍郎以曾國藩爲兵部右侍郎仍督辦軍務○命正白旗漢軍副都統德崇額往欽差大臣向榮軍營統帶吉林黑龍江馬隊官兵聽候調遣○甲子向榮奏蕪湖城外長山官軍連營後該逆加築壁壘疊來衝突自應死守以待外援細閱晝呈各營地圖相距師船扼泊處所中間尙嫌寬闊其右離陡門三里之弋磯與左面沿江土坡必須添設一營扼斷賊援當經飛飭鄧紹良等會同舟師妥商扼剿旋據該提鎮等呈報初二日探有裕溪口西梁山賊船竄過東梁山欲來援救蕪賊初四五兩日復探報江北來賊嘯聚四合山大成鋪一帶欲分三路來蕪打仗又聞旗羅山已有賊壘亟擬趁其屯紮未定前往攻剿初六日四更募食出隊往旗羅山進剿該逆前來拒

戰我兵奮勇衝勦該逆披靡斃賊不下數百名十二日夜聞賊乘江霧迷漫又於陡門廣福磯山頭築壘並於弋磯山南修成攔牆一道次日黎明德安派隊往攻該逆從陡門丁橋分股前來鈔綴經我軍左右奮擊敗去先是鄧紹良探聞有江北賊股於初十日竄入銅陵十一日到繁昌鵝橋盤踞是日戌刻復報該逆已至南繁交界之石碓地面意圖來應蕪賊斷我老鴉山糧道當經飛撥各兵往屯老鴉山舊營堵勦後路各等情呈報前來臣前以東梁山竄路未斷檄令沿江添築營盤而該提鎮以無兵抽紮稟請添兵卽經飛撥兵勇七百名前往並恐賊援久而益集函商浙江撫臣抽撥兵勇援勦經何桂清調派四安防兵一百名及涇太義勇一千名前往黃池聽候調遣臣一面知會鄧紹良飛調駐徽川兵五百名及就近甯國兵勇並飭在蕪添募潮勇以資得力責成該

提鎮等迅圖剿除內賊力截外援乃今上下游逆黨麇至兩面牽掣我軍迹其自東梁山步步築壘由陡門沿港築壘漸至弋磯已與內賊聲勢通連實堪憤恨卽責令會商舟師設法奪占弋磯掃蕩內外賊壘嚴防老鴉山一帶後路並揀派遊擊陳明志管帶湖南精兵五百七十餘名馳往協同攻剿而內賊復乘夜於前卡之北弋磯之南山坡修壘一座以通外賊聲援十六日寅刻我軍分兩路攻剿先將陡門救應之賊掩殺擊走攻至弋磯山南排開槍礮擊斃多賊十八日會同舟師分兩路進剿山西湖口賊壘該處四面皆水我兵鳧水撲過賊濠擊倒站牆數賊該逆死守不出總兵吳全美督領划船快礮攻進魯港內河適遇另股二千餘賊經水勇登岸衝剿殲斃頗多又經陸兵鈔到截殺該逆退至北岸賊卡拒守該處接連山西湖港汊紛歧亟難攻進是日晚間該逆復

至弋磯山北平地添築濠壘適陳明志楚兵已到出隊分攻其南壘堅守不出惟北壘尚在修築未經兵勇衝勦破入逆壘砍殺多名伏思蕪城雖復賊壘未除繕攻兩月江岸之賊尙眾而江皖賊援大股踵至分屯數十壘兩面牽綴我軍勦辦殊爲棘手蕪湖爲全局關鍵該逆以全力來爭亟宜掃蕩該提鎮等未能安速勦辦咎無可辭雖克復蕪城本有微勞而調度未能畫一彼此意見未能融洽見在蕪湖各軍卽統歸鄧紹良調遣以專責成其添調各路兵勇計日均可雲集卽飭令乘此軍威會商師船相機勦辦或先勦山西湖魯港以扼小河南岸或分兵由東梁山代橋四合山進攻掃蕩內外賊壘以期廓清蕪湖上諭軍機大臣等鄧紹良等會攻蕪湖賊壘已近兩月雖進攻不爲不力而賊壘陸續增添連日攻擊僅止破其弋磯山北一壘似此曠日持久賊援愈集勦辦

愈難該大臣與何桂清添派兵勇計日均可剿齊卽著統歸鄧紹良調遣以一事權務將蕪湖上下一帶賊壘全數埽除應先勦山西湖等處或由東梁山一路分兵進攻著該大臣飭知鄧紹良相機辦理長山連營旣距師船扼泊處所尙遠水陸聲勢卽恐不能聯絡並著傳諭鄧紹良與吳全美等會商總期水陸並舉方不至爲賊牽掣○乙丑諭內閣葉名琛柏貴奏師船出洋剿匪疊獲首夥各犯解省審辦一摺廣東匪犯李亞快等先在內河聚眾滋擾旋因官軍攻勦駛赴外洋肆行劫掠經葉名琛等飭委升任提督吳元猷統兵出洋剿捕燒毀賊船及剿斃溺斃匪徒無算並生擒首犯李亞快等二百餘名解省審辦此股匪犯李亞快等糾聚匪眾由內河擾及外洋實屬罪大惡極所有見獲首夥各犯著葉名琛柏貴訊取確供盡法懲治其未獲各犯仍責令吳元猷親督師

船實力接捕以期淨絕根株毋留餘孽○諭軍機大臣等葉名琛等奏閩省官兵奉調赴粵在海遭風等語據稱福建詔安營遊擊崇瑞於上年奉調赴粵帶同漳州等營官兵由海道行走中途遭風於十二月間漂至越南國地方口糧用盡經該國籌借錢米共計銀一千餘兩復幫同修理船隻令弁兵搭坐商船至六月中行抵廣東省城所借越南國口糧銀兩已飭軍需局覈議籌還請旨嘉獎等語該國久列藩封素稱恭順茲因官兵船隻漂風到境遣官慰問借資口糧設法送回實屬可嘉前據葉名琛奏該國貢使改道由廣東回國於本年四月間抵省因南風司令未能啟程此時該貢使如尙未回國著卽給還所借口糧銀兩並著該督傳旨嘉獎至前次諭令調赴江南紅單船據奏見飭李新明迅赴陽江等處趕緊封雇見在大江水師已剿至蕪湖以上江路較長需船

更多著卽作速雇備由該督親往查驗配齊軍火器械籌備兵勇口糧卽令李新明管帶駕駛出洋前赴江南協剿不得以船少難雇爲詞稍涉延宕致誤事機將此由五百里諭令知之○以奕湘爲烏里雅蘇台將軍聯順爲理藩院尙書文彩爲左都御史阿彥達爲倉場侍郎

由副都統選

○予廣東陣亡縣丞李錫綬祭葬世職○

丙寅曾國藩奏水陸兩軍會攻湖口二十七日聞賊由彭澤運來火藥戰船在流澌橋小河停泊李元度派令胡蓋南等帶勇往剿焚其火藥船戰船數號二十八日探得離湖口五里之柘磯有偽關一座當派從九品彭斯舉等馳往剿辦該逆棄關上船逃竄卽將偽關署及附近賊巢一併焚洗正欲收隊忽下鐘山賊壘突出二三百人來援我軍整隊迎擊先刃悍賊數名餘匪敗退八月初三日探知安慶有賊千餘來援湖口次日有騎馬賊二十餘人帶

賊數百來蘇官渡壩戰其伏山後者賊數尤夥當卽密派吳齊源從間道鈔賊之後度其將至以大隊過壩迎擊礮斃二賊餘眾稍卻我軍大呼馳入手刃執大旗賊五名計是日先後殺賊三百餘人生擒十四名初八日約會水師併攻下鐘山賊壘經馬房嶺及舊城賊營我軍分投搶入匪眾潰散退守下鐘山我軍登嶺焚其望樓遂升月臺山昇礮輪轟忽有三百餘賊拌死衝出登山奪礮我軍併力截擊手刃十餘賊各勇疾馳跟追已及下鐘山營門將乘勢衝入賊閉門死拒門外尙有三十餘賊未能入壁悉爲我勇殲斃是日水師併攻湖口賊船因風急水溜船勢直趨下游被賊圍困其失去長龍三板二十一號初九日五鼓賊乘勝來撲我水軍我軍嚴陣以待賊至我船排列一字萬礮對轟賊佯爲退卻我軍嚴立不動賊果回船衝突鏖戰三時之久轟沈賊船二隻落水

死者以百計始紛紛敗竄查湖口僅賸下鐘山及梅家洲二卡石牆堅固屢次血戰不能攻破惟有籌添勁旅再圖力勦至水師因風順失利貽誤事機臣諄諄戒飭不許順風開仗乃各弁勇不能遵守教令致蹈覆轍殊屬輕進該五營營官都司秦國祿編修吳嘉賓均撤去營官秦國祿失船較多並請旨卽行革職孫昌國何啟長賀虎臣於次早賊匪撲營時尙能奮勉堵剿轟沈賊船保全老營應免其斥革仍請旨拔去翎枝暫畱營官之任上諭內閣此次水陸兩軍攻勦湖口業經疊次獲勝著曾國藩督飭水陸諸軍奮力進剿迅圖克復潯城所有管帶水勇失利之保升都司秦國祿已革翰林院編修吳嘉賓均著撤去營官秦國祿並著卽行革職保升花翎都司孫昌國藍翎把總何啟長藍翎縣丞賀虎臣均著拔去翎枝暫畱營官以觀後效○曾國藩奏臣上年十月奏

調安徽道員何桂珍來營助剿奉旨允准嗣因江路梗阻該道不能渡江卽屯紮英山蘄水等屬與賊匪接戰十餘次據報正月初六日由英山督率兵勇抵羅田縣境適聞逆匪攻破蘄水之信我軍分路進攻殺賊二百餘名乘勝破城而入收復蘄水縣城殺賊五百餘名嗣聞英山有太湖賊數千入境該道率同任春和等分道夾擊該逆翻山逃竄二月初聞蘄州土匪勾結逆賊數千欲由蔡家河進撲羅田該道飛調阿克敦等進攻賊敗奔上山我軍併力仰攻復殺賊四百餘人直追至蘄水縣之松柏坳二月十七日賊聲言將攻太湖該道知其詭計專力扼守英城賊果三路來攻馬超江奮勇急進刺殺偽總制田金爵一名實爲蘄黃一帶巨魁自該逆被殺賊卽大敗旋探聞賊匪爲田金爵復仇該道於英蘄交界之陳家畈紮營並分兵埋伏賊由朱陽河竄擁而來我軍迎

擊殺三百餘人逸賊踞查兒山爲負隅之計我軍潛由雞鳴河進襲分爲三路直搗巢穴毀營三處斃賊四五百人五月初一日斬賊復糾約土匪萬餘併集英城該道親督光州等勇迎擊斃其頭目十七人殺賊無算追至大畎河擒斬過半五月初六日斬賊復竄英境該道親率各勇駐城防守並派任春和等分防大畎河等處十一日斬賊萬餘分路來撲該道帶勇出城猝遇多賊來衝馬被矛傷墜地見賊眾我寡勢難取勝次日遂飛調羅田各屬團練會剿時賊已入城該道一面招聚散卒一面號召各路團練分數路由英山西南北三門進攻該逆突圍而出被我軍槍斃千餘人登時收復縣城各情伏念何桂珍以二千疲勞之卒當羣盜出沒之區數月無餉轉戰不休其從征員弁兵勇勞苦倍於他軍仰懇天恩准臣擇尤保奏又奏查斬黃英霍當皖楚之交萬山回互

匪黨最多近年以來南岸之大冶興國北岸之蘄水蘄州黃梅廣濟土匪尤眾一經粵匪勾結羣起響應幸羅田麻城黃岡黃安等縣紳民好義團練殺賊歷有成效英山之民亦多深明大義敵愾同仇該道何桂珍往來皖楚之界已近一載各屬紳耆信義相孚每遇匱乏之時鄉里常以簞壺犒軍屢次剿賊獲勝亦賴團練之力合無仰懇 天恩飭下湖北安徽各督撫轉飭何桂珍督辦羅田英山麻城等屬團練肅清皖楚各處土匪所需費用准在各屬勸捐該道有專責之事而於大局亦有無窮之益一俟武漢克復羅澤南一軍剿賊東下該道與之會合仍可歸併臣軍 上諭軍機大臣等據曾國藩奏已革道員何桂珍於正月間克復蘄水五月間克復英山復在羅田各屬疊獲勝仗堵剿尙屬認真已降旨將何桂珍賞給六品頂帶其出力員弁紳勇准曾國藩擇尤保奏

見在皖楚兩省軍務方殷其交界處所每爲兩省兵力所不及如安徽之太湖宿松英山霍山湖北之黃梅廣濟蘄水蘄州羅田麻城土匪蠭起旋復旋失非有專責之員督辦團練嚴清土匪不能斷賊接濟之路旣據曾國藩奏何桂珍往來該處與各紳耆信義相孚頗資得力著卽飭令該員督辦各該屬團練將皖楚交界土匪次第剿除已復地方責令勸諭紳民同心固守未復地方並令設法收復遇有賊蹤上竄湖北亦可從後要擊所需糧餉准其於各該屬勸捐動用如皖楚兩省稍有餘力仍著隨時接濟毋任飢疲潰散致誤事機至英山克復出力員弁前准和春等酌保著卽咨明曾國藩與蘄水羅田各案一併保奏以歸畫一將此由五百里各諭令知之○曾國藩奏臣於七月初一日欽奉諭旨因湖南賊氛四逼飭令調回湘勇臣前與羅澤南面商大局以湖口之與

武漢皆東南所必爭論目前形勢則先爭武漢而後可以保全鄰省能保全完善之省而後可以規復被陷之區羅澤南抵南康後亦慨然以援鄂爲己任遂定回剿武漢之計已由義甯進擣崇通一帶西上武昌湖北一省西凌阿官文兩軍均在北岸惟胡林翼一軍尙在南岸近聞移師北渡進紮漢陽南岸極爲空虛設武昌之賊逸出上犯則爲患方長得羅澤南一軍由崇通截出直擣武昌是卽所以救鄂省南岸之疏羅澤南所統湘勇訓勇僅三千六百人臣又撥給參將彭三元等勇一千五百名將領多諳練老成士卒亦久征慣戰回武漢以剿粵匪則可回湖南以剿土匪則不可方今東南大局卽不能遽破金陵亦當力爭江面若不力挽大局則一鄉一邑終無獨全之理合無仰懇 天恩飭下兩湖督撫諸臣羅澤南一軍不得調回南省其麾下五千人亦不得分支調

撥致兵力單薄難以圖功一俟鄂省北路肅清武漢得手臣仍飛調羅澤南前來會師以圖進取報聞○曾國藩奏塔齊布病故後潯軍統歸副將周鳳山督率極爲出力惟新領此軍止重防守不圖進取賊亦不能內犯得旨周鳳山既能統屬仍應相機進取○以克復安徽英山湖北蘄水二縣城賞已革道員何桂珍六品頂帶○丁卯向榮吉爾杭阿奏鎮江之賊在東門外修築礮臺初四日黎明臣吉爾杭阿派隊赴煙墩山一帶督令開挖外濠余萬清督隊在摩旗山屯紮以備援應其東路貴州湖南等營嚴陣以防賊衝午刻果有三千餘賊突出東北二門直撲湖南貴州營盤另有一股由寶塔山擁至鈔我京峴山後路又由甘露寺出賊數百人牽掣東馬頭守牆兵勇當經官兵前後鈔擊該逆披靡另有南水關潛出賊匪數百人經副將站住帶勇迎擊余萬清督隊衝殺

先後斬馘甚眾該逆復以大股由西門蠶擁而出江中復有賊船二十餘隻登岸援應其時我軍已由煙墩山齊抵寶蓋山下知府劉存厚總兵虎嵩林等各帶兵勇四面兜擊該逆抵死抗拒我軍奮勇爭先賊始敗退寶蓋山梁在高處施放槍礮佐領額哲赫督隊搶上中礮陣亡斯時該逆飛彈如雨復欲衝擊而下虎嵩林督隊迎擊被槍子打入左頸臣吉爾杭阿親往督陣揮令車礮直前轟擊虎嵩林雖受槍傷仍復冒險直衝而上賊始奔竄回城初五日我軍分三路嚴陣以待該逆以數千人直撲大營因見我軍嚴整不敢向前臣吉爾杭阿登高督戰伺賊稍懈督令西門外分東西兩路直鈔賊後卽以車礮從中路連環進擊該逆前爲礮偏後懼圍鈔立時潰散初六日賊分三股出撲我軍亦分路迎擊斃賊無算次日黎明瞭見寶蓋山上新築板牆中雜泥土牆外山梁復

圍築土埂一道上架槍礮該處近接西門本爲該逆進出銀山必經之路當飭各營出隊進攻該逆以千餘人前來抗拒我軍迎擊鏖戰四時之久賊勢漸敗退入土牆經遊擊饒永福搶上山梁劉存厚周兆熊繼之當將土埂犁拆臣見飭周兆熊等於煙墩山南空濠紮營三座陸續將大礮運往安放此地扼要居衝足以遏賊奔竄仍飭令隨時相機進剿以期迅掃妖氛 上諭內閣鎮江賊匪業經三面圍攻勢漸窮蹙著吉爾杭阿等迅速進攻將寶蓋山賊匪悉數殲除攻克鎮江府城總兵虎嵩林身先士卒奮勇可嘉著賞給額圖琿巴圖魯名號佐領額哲赫追賊陣亡殊堪憫惜著交部從優議卹以慰忠魂○安徽巡撫福濟奏據潁州府知府陸希湜稟七月二十日該府駐紮廟集擒匪龔得等率領千餘人前來劫營經外委周永慶等擊斃八十餘名張落刑復糾集四五千

人由東來撲兵勇奮擊其斃首夥三百餘名生擒三十餘名並獲奉旨飭拏之綽號長勝將軍蘇有多名又據道員王夢齡函稱探得八月十七日河南道員張維翰在泥秋集與擒匪接仗失利該匪旋踞會亭十八日攻陷夏邑徐州鎮總兵已帶兵勇一千名往碭山防堵各等情查擒匪屢次騷擾節經知會豫省會同剿捕乃此拏彼竄詭譎異常若不及時撲滅誠恐滋蔓難圖臣此次派往亳州兵勇已有二千餘名徐州鎮道派出兵勇亦有一千名與其各守疆界徒事分防何若合力殲除迅圖會剿臣已飭陸希澍及副將朱連泰等統兵前進一面檄飭徐州鎮道暨張維翰迅將所帶兵勇與皖軍會合卽日馳赴夏邑一面咨會河南撫臣英桂再撥重兵迎剿庶幾以三省之兵四面環攻爲一鼓殲除之計河南巡撫英桂奏皖省擒匪蘇添幅張落刑等闌入豫疆續據張維

翰等稟該匪竄擾會亭經兵勇鄉團竭力堵禦退踞亳州之雉河
集又繞至江南碭山縣地方該處切近永城深恐再行竄入已添
募壯勇由虞城夏邑永城相機進攻知會潁州府知府陸希湜合
力兜剿又據歸德府知府王榮第稟該匪於八月二十九日夜間
竄近商邱縣馬牧集當飭該縣知縣馮景調集兵團前往迎剿因
眾寡不敵該集亦被竄入燒擄離城二十餘里已有匪蹤見在隨
同張維翰登陴固守請派兵應援各等情臣當派遊擊巴哈布帶
兵三百名赴援並調駐守陳州之道員王建泰帶勇馳往會同張
維翰認真堵剿復檄臬司余炳燾會同參將成齡馳往督辦一面
知會江皖兩省會合兜拏俟河北土匪情形稍鬆再行抽撥兵勇
前往剿捕上諭軍機大臣等本日據英桂奏捻匪繞至江南碭
山並燒搶商邱縣之馬牧集逼近歸德府城派遊擊巴哈布等帶

勇往勦並飭臬司余炳燾馳往督辦福濟奏該撫派往亳州兵勇二千餘名必得英桂再撥重兵三省會勦方能一鼓殲除等語此股捻匪見已闖入碭山儻因徐州兵力較單致令蔓延不特北竄可虞卽揚州後路亦屬可慮著托明阿於大營內酌撥官兵一千或數百名派委得力將弁取道徐州馳往歸德一帶會同皖豫兵勇合力夾擊毋稍延誤將此由六百里各諭令知之○諭廬州勦賊喫緊兵餉久匱情形實屬可慮江蘇自上海克復後關稅定有起色此外有無款項可以移緩就急著怡良先行籌撥銀數萬兩解赴廬州軍營以資接濟以後能否按月撥解若干並著妥籌具奏將此由六百里諭令知之○諭吉爾杭阿奏籌勦鎮江逆匪請飭催續調廣東師船剋日來江協勦等語本月初五日據葉名琛奏前派赴江南紅單船二十四隻挖罟船十六隻已委總兵謝焜

統帶前往嗣因廣東剿匪喫緊師船多有損傷且謝焜久病甫痊
未能派往見飭參將李新明往順德等處趕緊封雇管駕啟程已
諭該督作速雇備籌辦軍火口糧飭催李新明管駕出洋赴江協
剿矣見在鎮江一帶剿辦甚關緊要著吉爾杭阿一面咨催廣東
師船迅遵前旨來江協剿一面就見有船隻督飭上下游乘風轟
擊不得專待廣東續到師船以致遲延時日將此由五百里諭令
知之○諭景淳奏俄羅斯人船自松花江回行由黑河口經過一
摺會辦俄羅斯分界事宜前定於八月初三日會議旋經景淳以
知會日期文書由三姓傳遞深恐遲誤當諭庫倫辦事大臣補行
知照勿庸改期並據奕格奏稱庫倫吉林黑龍江三處委員已於
七月初七日在黑龍江會齊初八日啟程前往見在該委員章京
惠霖等究於何日趕到松花江曾否面議抑或於原定日期未能

趕到之處著景滄於得有稟報後詳悉具奏將此諭令知之○戊辰諭軍機大臣等西凌阿等奏督兵攻勦獲勝一摺此次我軍分路進攻德安該逆閉門堅守迫義勇撤隊該匪輒由地道擁出並於濠內繞往接應西門亦有賊匪突出撲營雖經馬隊截擊該逆並未大受懲創兵勇且有傷亡該大臣等統領大軍屢次進攻總未得手設下游賊匪紛紛上竄賊援愈眾則賊守益堅安望卽時克復至隨州勇隊見賊退卻義勇多人又投入夥似此漫無紀律何以操勝算而挫兇鋒著該大臣等嚴申軍律激勵將弁兵勇迅圖克復郡城毋再遷延貽誤自干咎戾官文此時諒已前赴德安參將顏朝斌在城南紮營兵力較單恐未可深恃該督務當趕緊前進與西凌阿等四面環攻以期力破賊巢毋稍延緩將此由六百里加緊各諭令知之○諭給事中孫觀奏土匪復起團練解散

請簡大員督辦防剿一摺據稱自袁甲三去後匪徒復起毫匪張落刑勾結河南巨匪蘇添幅蒙城巨匪龔得等聚眾萬餘七月間攻撲蒙城雙澗集等處數百里均遭焚掠近回雒河集招添捻黨欲聯絡各匪乘時大舉民間團練偶斃一匪地方官必欲追究兇手捻匪等復勾差控官以致萬眾解散或去而從匪見在自下蔡洛河淮流二百里內商賈斷絕鹽關課稅並抽釐捐輸等項要道皆爲所斷等語捻匪張落刑等結黨滋事昨據福濟奏報已有攻陷夏邑之事分股四出勢將滋蔓如果各州縣平日實行團練並准令該團首等會同捕殺何至如此橫行無忌雖竄擾夏邑之匪已派陸希湜等統兵會剿而雒河集巢窟未除匪黨甚眾著和春等飭令駐紮正陽臨淮之署臬司恩錫侍衛多慧等就近剿捕候補道員趙昀係安徽本籍著查明該員見在何處或卽飭令聯絡

鄉團兼辦勸捐事務幫同恩錫等分投堵剿著和春福濟酌量辦理該員如堪委任並著酌撥官兵以資得力不得以廬州未復力難兼顧致令捻匪鴟張閭閻受害至民間團練原以助兵力之不足前有旨諭各省鄉團遇有賊匪准其格殺無論著和春福濟嚴飭地方官恪遵前旨再行出示剴切曉諭以伸民氣州縣中如有畏匪不辦轉受匪徒誣控拖累良民者卽著從嚴參辦原摺著鈔給閱看將此由五百里諭令知之○己巳諭軍機大臣等本日據王履謙奏自蘭陽漫口後下游已成涸轍下北缺口至曹單數百里徒步可行防不勝防設兵於無用之地不如調防於切緊之區請將防河兵勇酌駐豫皖交界等語直隸派防北岸本有大名鎮總兵史榮椿所帶鎮標官兵一千名並抽調正定鎮兵五百名史榮椿已赴河北幫剿聯莊會匪其直隸所調後起防河兵五百名

著桂良卽飭前赴河南交李鈞酌量應令駐紮何處以資防堵又
崇恩前奏交武隆額統帶之曹單募勇五百名本爲防河之用並
著該撫會同該河督察看情形分撥防守俟河北聯莊會辦竣卽
著史榮椿帶領官兵由豫入皖以剿爲防見在歸德亳州一帶捻
匪橫行兵力尙嫌不足得此一軍協剿可以固北路藩籬較之遙
駐河干更爲得力該督撫等均須通籌大局剿匪防河兼權並重
茲王履謙暫假省親所有沿河應防各處著李鈞妥爲布置毋稍
疏懈將此由五百里各諭令知之○庚午諭軍機大臣等托明阿
奏上下游水師連得勝仗並設法進擣情形一摺據稱金陵賊船
避泊草鞋夾口八月初七日大小賊船數十隻直撲浦口經水師
兵勇擊退奪獲賊船多隻內有四輪船一隻復先後在西江口瓜
州等處擊賊獲勝焚燒賊艘殲斃多名江面賊船伺隙出竄瓜州

一帶復有賊箠駐泊此次雖經勦辦得手而上下游賊船往來無定難保不另生詭計仍應嚴飭水師將弁實力勦洗至瓜州久爲賊踞陸路諸軍日久並未進攻所築長圍僅能防賊旁竄而濱江一帶仍未能遏截賊蹤若非水陸併力進攻勦辦何能蔽事著托明阿等督飭水陸大軍奮力夾擊並約會吉爾杭阿同時進攻錢江俾南北兩岸賊匪不能互相援應庶可直搗賊巢盡殲醜類該大臣等務當力圖克復毋得再事遷延致干咎戾將此由六百里加緊諭令知之○以戶部尚書文慶兩廣總督葉名琛俱協辦大學士葉名琛仍畱兩廣總督任○辛未諭軍機大臣等本日據載增等奏漢川復失賊偪沔潛荊州實形喫重一摺據稱自麥山金口相繼失利後賊勢猖獗礮船陸勇均由黃陵磯大小軍山退至新隄嘉魚兩岸分紮與沔潛通連之蒲團侏儒山等處皆爲賊踞

八月二十一日賊撲漢川城外營盤常恩李保邦兵力不支漢川復失見退回仙桃鎮鄢家灣等處駐紮胡林翼前奏暫駐大軍山收集潰勇見復退至新堤嘉魚兩岸是否與賊接仗及如何布置情形何以未據該撫奏報官文此時計已馳抵德安自難回兵援剿但賊偏沔潛荊州情形萬分緊要常恩等駐紮仙桃鎮等處兵勇甚單設有疏虞所關非細該督統轄全省其應如何設法接應之處務卽迅速妥籌與載增等所派兵勇併力截擊以遏賊竄荊州之路見命黃宗漢將駐紮夔巫之兵勇二千先行飭調前赴荊州以資援應但恐一時未能卽到胡林翼兵勇雖已潰散仍當力求整頓以振軍威並飛催所募湖南新勇星速赴鄂羅澤南之兵如已馳抵大營卽可會合兵力迅圖攻剿以遏兇鋒並嚴飭李孟羣等招集兵勇扼要堵截沔潛一帶經載增等分撥兵勇防賊紛

竄復於郡城附近抽調滿洲營精兵交魁玉督帶辦理尙合機宜
著卽嚴飭各該員實力防堵毋稍疏懈所有近日賊勢及官文胡
林翼如何布置防剿務須隨時奏報以慰懸繫將此由六百里加
緊各諭令知之○諭據載增等奏漢川復失下游皆係賊巢情形
較前倍覺喫緊前有旨令黃宗漢飭署松潘鎮總兵德恩管帶夔
巫防兵二千名赴荆協剿並另派鎮將接辦夔巫防務如須親往
駐紮並著酌度辦理見在胡林翼之軍甫經挫敗官文前往德安
未能兼顧而荊州兵力尙單恐該匪上竄未能抵禦湖北接壤蜀
境惟有從夔巫上游派兵下壓庶堵剿較易爲力著將德恩防兵
迅飭赴荆惟賊氛旣極喫緊川兵僅止二千尙恐難資堵擊必須
量添兵勇並另派得力大員統領方可藉挫兇鋒川楚唇齒相依
能保荊州卽以固川省門戶黃宗漢統轄全蜀自未便出境著察

着情形於將軍樂斌提督萬福二員中酌量一員派撥兵勇數千名卽由夔巫一帶馳往荊州會合攻剿以資援應川省兵力何處尙堪調撥著該督酌度辦理並卽迅速馳奏將此由六百里加緊諭令知之○壬申諭內閣僧格林沁等奏酌添外滿洲火器營官兵操演陣式一摺著閱兵大臣將所添陣式閱看具奏○予福建陣亡國子監學正王捷南等祭葬世職○癸酉諭內閣本年東河下北廳蘭陽汎黃水漫口旁趨河南直隸山東各州縣水勢汪洋延及三省被災黎庶蕩析離居深堪憫惻前經降旨截留河南山東漕糧各五萬石分給賑濟河南省業經該撫奏到委員分投撫恤並散放一月口糧山東省經該撫奏先籌銀五萬兩派員分路撫恤直隸省被災較輕亦經該督酌籌捐銀動穀委員查辦小民諒可無虞失所惟念漸屆嚴冬嗷鴻未輯朕情殷保赤彌切憂勤

著發去內帑銀十萬兩交崇恩七萬兩英柱三萬兩以資撫恤並
將直隸繳回寶鈔二萬五千串發交桂良抵發賑濟之用至被災
較重處所尙須續籌款項接濟仍著該督撫各就地方情形妥爲
籌辦該督撫等卽刊刻謄黃徧行曉諭務使實惠均霑毋任吏胥
舞弊其被災各村莊應蠲應緩之處並著該督撫詳晰查明迅速
具奏用副朕軫念災黎至意○諭軍機大臣等官文奏進攻德安
獲勝及中路見尙無虞各情形一摺所敘獲勝各情與西凌阿前
次奏報雖日期稍有先後而逆匪死拒情形大略相同該督旣稱
德安利在速戰卽應迅圖攻克以絕該逆望援之心顏朝斌駐紮
府城西南兵力甚單卽該督添派葉永泰帶往之勇亦屬無多若
俟鄖兵瀘勇到齊誠恐賊援大至不但德安難復且於大局更增
棘手其中路一軍經此挫敗萬難得力常恩李保邦等兵勇均已

不可深恃李孟羣既已趕赴沙湖即可責令專辦中路與載增所派防兵會同嚴扼潛沔一帶以爲荊州屏障該督仍帶所調兵勇與西凌阿迅速進攻德安俟克復後再與胡林翼等會合圖復武漢不可再有延滯本日又據胡林翼奏請飭川省撥兵籌餉一摺此時四川情形欲每月籌銀十萬兩實屬力有未逮已諭知吳振械於陝西續收捐輸項下按九十一三箇月每月借銀五萬兩交該署撫軍營應用其所需川兵前已諭知黃宗漢先將署總兵德恩所帶夔巫防兵二千名飭赴荊州並於樂斌萬福二員中酌量一員添撥兵勇數千名隨後繼進此時中路官兵失利荊州喫緊甚於下游必俟府河逆蹤掃蕩此項官兵方可會合進圖武漢當此賊氛復熾漢川迤西空虛尤甚該署撫務畱速整軍威力圖進取不可因此挫折坐失機宜將此由六百里加緊各諭令知之

○諭湖北賊勢蔓延見在調集各路兵勇合力堵剿所需軍餉亟應廣爲籌備著吳振械於該省續收捐輸項下按九十十一三箇月每月提撥銀五萬兩派委委員徑解胡林翼軍營務必按期如數毋稍遲誤所有此三月內應解京餉卽准其暫緩起解將此由六百里加緊諭令知之○諭李鈞奏委員查明豫省地方被水情形一摺據稱河南祥符等六縣被水地方經張亮基帶同各委員分投徧歷逐細查勘並酌擬保衛之法三條俟水落後勸諭各地方紳耆妥爲興辦等語此次黃水漫溢豫省北岸被淹各縣該紳耆等情願通力合作互相保護既係出於至誠自屬眾擎易舉張亮基所陳各條尙合機宜一俟水落歸槽卽可依法次第辦理著先行出示曉諭剴切勸導令各紳耆切實估計豫集料物並令印委各員屆期會同各地方官督辦務須俯順輿情切勿稍形抑勒

一切工料銀錢統由紳董經理毋得假手吏胥致滋弊端工竣之日速予驗收所有出力出貲各官紳等著該河督會同該撫分別保奏候朕施恩將此各諭令知之○諭李鈞奏河南州縣徵收錢糧不收票鈔並山東藩庫搭放票鈔不搭收票鈔各等語票鈔之設以濟銀錢之不足疊經明降諭旨凡京外應收應放各款均准按成搭解以期暢行無滯凡官吏於收放等款敢於弊混者亦經吏部等衙門將應得處分罪名明定章程具奏茲據李鈞奏稱河南省州縣於徵收錢糧時專收銀錢不收票鈔解司之時則收買票鈔按五成搭解以致商民於票鈔不知寶貴見在票銀一兩實鈔一千均止易制錢四五百文河工領款係八成票鈔二成見銀所領票鈔難於行使每遇險工無從搶護山東省藩庫於各領款則照二成搭放而於州縣解款並不搭收致票鈔更形壅滯種種

弊端該撫等何竟毫無聞見著崇恩英桂密速查訪凡州縣徵收
錢糧如有前項弊端漁利病民及州縣願收票鈔而搭解之時道
庫藩庫有意刁難致州縣不能搭收者均著嚴行參奏毋稍姑容
至奸胥蠹役把持舞弊尤屬不免務應嚴密查拏從重治罪所有
票鈔收放章程並著崇恩等再行出示剴切曉諭或有完納錢糧
州縣不肯搭放票鈔者准該民人赴上司衙門控告以通民隱而
裕國用經此次訓諭之後該地方官如敢仍前玩泄並不實力辦
理將來別經發覺朕惟崇恩英桂是問將此各諭令知之○予湖
北陣亡吏目高術方等祭葬世職○乙亥諭軍機大臣等向榮吉
爾杭阿奏轟坍鎮江城垣並犁毀賊壘大獲勝仗一摺據稱鎮城
賊匪自我兵紮營煙墩山之後總未出巢經吉爾杭阿先期調度
爲明攻暗襲之計於西南城下開挖地道擬先攻打金山寶蓋山

賊營乘間轟破城垣密約水陸各營南北合剿使賊不能兼顧八月二十九日傳集各營派定隊伍專候卯正然發地洞各路一鼓擁入不料被該逆火毬引燒口門火綫將地洞先時轟發城牆洞穿三丈有餘浮橋未及搭成勢難攻入其守護缺口及出城救應之賊被我兵擊斃甚多復將金雞嶺上賊壘全行犁毀等語此次攻襲鎮江府城各路布置已屬周妥止因轟破缺口時刻參差致我兵無橋可渡未能得手失此機會殊屬可惜惟該逆既受大創防守必更周密應如何出奇制勝克復鎮江著吉爾杭阿督飭各營將弁於奮勇之中籌萬全之策仍與江北聯絡聲援同時攻剿以期一鼓殲除毋稍延誤將此由六百里各諭令知之○貴廣西陣亡總兵官董光甲子國賢通判國良文舉人通判景垣同知○丙子山東巡撫崇恩奏在籍辦團侍郎車克慎服闋已久可否飭

令起復赴京得旨車克慎著來京○丁丑諭軍機大臣等御史宗
稷辰奏請嚴查潰兵一摺自粵逆滋事以來各省旗綠營汛弁兵
辦防助剿徵調之數甚繁其能奮勇出力者經該將軍督撫等奏
保朕均不吝恩賞隨時量予獎敘至遇賊逃散本有應得罪名若
因人數眾多誅不勝誅概不懲辦仍令覲然入伍濫食錢糧何以
申軍律而肅戎行據該御史奏稱逃兵私歸本營請存記降黜分
別汰畱各營汛查明無軍營咨照者卽呈明停支額糧等語似尙
格外從寬當此賊氛不靖之時無論協剿鄰封備防本省均應嚴
申紀律著各將軍督撫飭查逃回本營之兵丁嚴其逃散情節輕
重分別懲辦不得姑息容畱聽其冒領糧餉至將弁私逃尤屬可
惡卽著嚴拏正法以儆其餘該將軍督撫等卽將此項逃回兵丁
應如何覈其情節分別懲辦之處嚴定章程妥議具奏將此各諭

令知之○戊寅諭內閣陸元烺奏查明浮梁縣被擾情形一摺本年二月間安徽賊匪由江西饒州府竄至浮梁縣之景德鎮滋擾當經署知縣張方矩會營往剿致被弋陽敗匪乘虛撲入縣城焚掠該員等旋即聞警折回立時擊退剿辦迅速尙知愧奮惟城內業經被擾究屬防範不力署浮梁縣知縣張方矩署浮梁營都司揀發都司定凱均著革職畱於地方差遣以觀後效署景德鎮同知朱錫均於賊匪竄聚汛地旋即會同縣營剿退功過尙足相抵著免其置議○雲貴總督恆春等奏雲南賓川等州縣土匪先後糾眾滋事地方文武協同兵練捕剿懲辦迅速賊事功過尙足相抵得旨出力紳耆著查明酌量保奏各地方文武尙能剿捕迅速著免其置議○以捐輸紅單船經費永廣廣東東莞縣學額二名○己卯諭內閣桂良奏請截撥山東起運漕糧以備賑需一摺直

隸開州東明長垣三州縣因河南蘭陽漫口被水村莊災黎待哺孔殷自當急籌賑濟所需賑米二萬五千石著准其截畱山東臨東前幫米麥豆三項共二萬二千二百餘石不敷米石卽著該督設法籌撥或搭放折色以資接濟其山東省截畱賑濟之漕糧五萬石毋庸分撥直隸賑需該督卽刊刻謄黃徧行曉諭務令實惠及民毋任吏胥舞弊用副朕軫念災黎至意○諭李鈞奏節交霜降上游均已安瀾可否酌保出力各員一摺本年東河蘭陽甫經漫口辦理堵築尙無就緒該河督何得以上游各工平穩爲詞率請酌保出力人員李鈞著交部議處所奏著不准行○諭軍機大臣等內外扎薩克捐輸駝馬前據穆隆阿等奏請歸商都兩翼等羣牧放著於此項馬匹內挑選口輕膘壯者二千匹派委妥員緩途解京交上駟院牧放其駝隻二千四百餘隻並著緩途悉數解

京交上駟院牧放該署都統等務飭委解之員沿途稽查妥爲管解無誤將此諭令知之○庚辰諭軍機大臣等西凌阿等奏連次殲賊獲勝一摺所奏不過堵剿情形並未實力籌攻如初六日之戰以已敗之賊背城反噬幾被圍裹初九日之戰旣傳知顏朝斌出隊夾攻何以又未交戰直至顏朝斌營盤被困始於次日往援十一日之戰又以猝不及防幾墮逆匪詭計種種疏失不但郡城不能攻克卽該逆分股出撲亦僅勉強支持每次傷亡兵丁總有數十餘名之多似此調度乖方毫無把握安望其克復德安耶仍著督飭各營將弁合力進攻不得待賊出撲始籌堵禦官文由安陸京山一帶進發爲日已久亦未免遲滯此時諒已馳抵德安西凌阿等於進攻機宜尙未能操勝算官文到後務當妥籌布置大振軍威併力攻克府城使江北之賊先絕根株然後武漢等處會

勦易於得手諒該督亦必早計及此也西凌阿等另片奏請調餘
丁馬匹等語吉林黑龍江兩處閒散未必能如所請之數已有旨
令景瀄等各豫備數百名候調矣惟都興阿所帶馮官屯馬隊二
千名已於初九日由河南衛輝啟程不日可抵德安著官文與西
凌阿等妥商或此項官兵到後無須再調餘丁馬匹或仍須添調
而數目可以酌減均著迅速奏明再行降旨飭調可也將此由六
百里加緊各諭令知之○辛巳諭內閣駱秉章奏郴州桂陽等處
勦賊獲勝一摺廣東竄入湖南逆匪分踞郴州及桂陽州境經岳
州府知府王葆生等分督兵勇進剿雖未能克復州城而殲擒賊
匪數以千計著卽嚴督諸軍剋期進剿務將踞城之賊悉數掃除
毋任蔓延貽患其桂陽州賊匪既經該處團勇疊次獲勝賊已潰
竄並著該撫飭令該署知州梅震榮紳士陳士杰等乘勝追殺盡

數殲擒以清邊境○諭駱秉章奏賊匪自東安分竄祁陽新甯進
剿各獲大勝生擒首逆縣城解圍一摺粵西逆匪竄踞東安經卽
選知府王鑫等督帶兵勇誘賊出擊復乘勝環攻賊勢不支竄出
縣城我軍追剿殲斃甚多當將縣城收復竄出之賊復與首逆僞
定南王胡有祿合爲一股謀竄祁邵交界之四明山王鑫等督兵
分路鈔擊窮追二十餘里賊眾紛紛敗潰當將首逆胡有祿擒獲
統計殲斃賊匪二千一百餘名其竄入新甯之賊經江西補用知
府劉長佑等督帶兵勇直抵賊巢奮力攻剿賊眾死傷狼藉見已
往黃沙河一帶逃竄新甯城圍頓解此股賊匪自廣西竄入楚境
疊肆披猖此次悉就刊誅足寒賊膽辦理甚爲得手著駱秉章仍
飭在事各員弁於湖南廣西交界處所設法堵剿務將朱洪英一
股一併殲除毋畱餘孽○予湖南陣亡從九品龍際時殉節教諭

周而溥等祭葬世職○壬午恭上 大行皇太后 尊諡 冊

寶 上詣 几筵前行禮○諭內閣樂斌黃宗漢奏勦辦馬邊夷

匪疊次獲勝地方肅清一摺四川馬邊地方夷匪爲患窺伺沿山漢地搭蓋夷棚鄉民屢受其害經樂斌黃宗漢委派文武紳團節次進剿通計斃匪千餘名燒毀夷棚三十餘間首逆就戮各夷震懾投誠救出被掠難民地方一律肅清辦理尙屬妥速所有在事出力各員弁紳勇均屬著有微勞著樂斌黃宗漢覈實查明酌量保奏候朕施恩○諭軍機大臣等前因蔣爵遠奏稱軍需孔亟請催各省撥款已諭令各該省將應解黔省各款迅速撥解茲據蔣爵遠奏該省上下游滇黔官兵練勇以及各路防兵口糧每月所需甚鉅而黔省瘠貧無法可設廣東江西山東粵海關等處尙有欠解銀一百四十五萬九千餘兩屢催未解餉需攸關萬分喫緊

自係實在情形惟各該省支應各路軍營兵餉不一而足恐未能將欠解之項全行撥給著葉名琛柏貴文俊崇恩等於各該省有可籌撥之處不拘何款迅卽籌撥銀數萬兩派委妥員解交黔省以應急需將此由五百里諭知各該督撫並傳諭粵海關監督恆祺知之○諭四川裁邊營參將蔣玉龍曾經帶兵赴黔剿匪據該撫奏稱該員謀勇兼優於黔省情形極爲畱心若令帶兵至黔剿辦苗匪可期得力著黃宗漢飭令蔣玉龍卽日前往貴州交蔣爵遠差遣至該撫奏下游苗匪蔓延請速調川南川東勁兵四千名一由思南前赴鎮遠一由遵義平越前赴都勻藉資會剿自因貴州兵單之故惟前經降旨令黃宗漢酌撥兵勇赴湖北助剿尙未據該督覆奏此時兵力是否足敷調遣著黃宗漢酌量抽撥卽交蔣玉龍統帶前往至四川省已撥未解黔餉前經降旨飭催見

據蔣爵遠奏待餉情形急迫川省距黔較近能否撥餉數萬兩俾資接濟並著黃宗漢籌畫辦理將此由五百里諭令知之○諭寄諭貴州巡撫蔣爵遠貴州上下游苗匪蔓延滋擾該撫請調川兵四千赴黔協剿本日已諭令黃宗漢酌量抽撥惟見在楚北逆匪勢甚猖獗荆襄一帶防剿萬分喫緊川省官兵調赴楚北者已屬不少而夔巫等處尙須駐兵嚴防是川兵能否再行調撥尙未可定該撫惟當聯絡鄉團就見有之兵妥爲布置至苗寨眾多當此兵單餉絀之時惟有勦撫兼施旣懾以兵威使知畏懼並設法曉諭予以自新如能黨與解散漸就肅清稍省兵力而節餉需至各省例解黔省餉銀前已有旨飭催惟各路軍營需餉孔亟各該省均有協濟之款勢難專顧黔省該撫仍當於本省善爲籌畫移緩就急其有解到之項尤須撙節動用不可稍有虛糜另摺保奏出

力各員已明降諭旨分別加恩惟該撫自保舉黔西出力人員以
來業經十餘次之多未免失諸浮濫嗣後軍營實在出力人員固
當隨時奏獎激勵眾心特不可濫竿充數致開倖進之門將此由
五百里諭令知之○予貴州陣亡通判沈世良等祭葬世職○癸
未諭內閣御史曹登庸奏天象垂警請恐懼修省以召祥和一摺
比年以來粵匪竄擾河工屢決兵燹水旱民困未蘇朕念天人相
感之理惟有勤求治術拯救吾民以冀仰邀 昊眷斷不敢以罪
己虛文空言儆畏卽籌畫軍務宵旰憂勤亦止自慊淵衷不求臣
民其喻茲據該御史以星見雷鳴災祲疊見請詔臣工亟言闕失
以召祥和揆之古人遇災而懼之意何敢不益勵愼修惟應天以
實不以文大小臣工遇事敷陳果能裨補時政朕必虛衷採納見
之施行其或喜事紛更徒滋煩擾迂疏寡效不切事情亦難博納

諫之虛名而不計推行之窒礙感召之機豈專在是朕日理萬幾
當此時事孔棘之秋虎尾春冰常存敬畏曷敢萌怠荒之志說詔
佞之言更望內外臣工勤思補袞於國計民生實求裨益以仰副
朕側身修行之苦衷庶幾君臣交勉宏濟艱難不徒以下詔求言
虛循故事遂可上返天庥也將此通諭知之○諭王懿德奏閩省
吏治敗壞參員不知自愧轉若妄遭屈抑往往捏造謠言毀謗上
司若不嚴加懲辦勢必挾嫌反噬等語所奏似有所指而又稱得
自風聞尚須確查方能覈辦隱約其詞未知是何意見近來參員
挾制上司之案疊經懲辦該上司果能正己率屬舉劾秉公何以
計及若輩之捏造謠言挾嫌反噬乎此等劣員各省俱有該督既
有所見何妨指名參處若云尙未查明何必先行陳奏豫爲將來
參劾地步王懿德著傳旨申飭○諭軍機大臣等前因安徽亳州

土匪竄擾夏邑縣城當諭令托明阿酌撥官兵赴歸德一帶會同
皖豫兵勇合力夾擊茲據該大臣奏撥吉林馬隊官兵五百餘員
名派頭等侍衛容照管帶啟程由清江取道徐州前往歸德惟昨
據英桂奏該匪張落刑等知兵勇雲集於本月初六日聞風南竄
是歸德一帶見無賊蹤著托明阿轉飭容照卽由徐州帶兵徑赴
皖境探明捻匪見竄何處會同該省兵勇奮力合剿毋得株守一
隅致誤事機此項馬隊見既改赴皖省所需軍餉豫省難以越境
接濟安徽軍營更覺支絀殊難兼顧仍著歸托明阿軍營糧臺由
文煜委員前往供支將此由六百里諭令知之○諭和春福濟奏
稱皖省兵勇眾多餉需專恃協濟各省報解者寥寥糧臺支放已
竭等語怡良節制兩江皖省係其兼轄設使餉竭兵飢大局掣肘
亦豈能置身事外目前無論是何款項可以移緩就急著怡良迅

速籌商於見在三四箇月內按月撥銀二三萬兩派員解赴廬州軍營交和春分撥應用並著楊以增於鹽課經費贏餘及淮北協貼淮南項下就見在兩三箇月內按月撥銀二三萬兩解赴廬州以資接濟務各按期如數無誤餉糈將此由六百里各諭令知之○諭見在歸德捻匪竄回皖境已諭知托明阿飭令侍衛容照徑往安徽潁亳一帶會剿所需兵餉仍由揚州糧臺支應此項勁旅添調赴皖即可畱於該省專辦捻匪不分畛域往來接捕著和春福濟擇一扼要地方令該侍衛帶兵駐紮或駐潁亳宿州或駐臨淮正陽等處與多慧互相聯絡酌定後卽一面飭知容照移兵前往一面具奏至和春等請於浙江按月協撥餉銀此時金陵軍餉專賴浙江接濟斷難分撥前已諭令怡良酌撥銀數萬兩以濟皖省軍餉茲復諭知該督於此數月內每月籌銀二三萬兩並諭楊

以增在於鹽課經費及協貼淮南鹽課項下亦於此數月內每月
籌銀二三萬兩解赴廬州該提督等卽遵旨催提以應急需該提
督等旣目覩支絀情形尙不思謀勇兼施力圖補救惟知以兵飢
餉匱爲憂於事何益著卽飭令各營迅圖克復廬州秦定三等克
復舒城庶可節次埽除不至日久相持籌餉愈難爲繼也將此由
六百里諭令知之○予安徽陣亡參將劉玉豹等祭葬世職○甲
申向榮奏蕪湖上下賊援廬至經臣檄令鄧紹良統軍與師船併
力會剿旋據鄧紹良呈稱上月二十三日賊復於弋磯修濬濠牆
左右添築二壘我兵乘夜往剿焚燒丁橋前賊卡一座斬敵三十
餘人該逆敗退二十六日挑選我軍精銳一千八百人繞赴老鴉
山左山西湖後之白馬山紮營四座約會吳全美水師於五鼓水
陸進攻山西湖賊壘擊殺數十人又經水師快蟹划船開礮轟打

水勇亦登岸助勦斃賊無數撲河淹溺千有餘人乘勢衝破賊壘七座餘匪向鵝橋逃竄追至高岡鋪河岸又擊殺淹斃多賊山西湖一帶俱已肅清又據吳全美等稟報師船節次斷賊接濟先後擊沈賊船二十餘隻溺斃甚多奪獲米豆火藥等船十一隻生擒僞軍師王畢等十名查該逆外援各壘以廣福磯弋磯最爲扼要該處左顧范羅山右通丁橋陡門一帶惟有先從丁橋陡門攻進方易得手當飭鄧紹良等相機籌辦並札飭舟師會同夾勦杜賊外援旋據探聞該逆於旗羅山修築壁壘聲言欲竄黃池一帶以鈔我兵後路當卽派隊約會水師分投攻襲范羅山弋磯之賊並暗襲丁橋其出拒大股之賊被我兵斬殺數百人乘勢搶踏賊壘餘逆經水勇登岸兜斬無遺時裕溪口賊船亦被紅單船截獲三隻擊沈賊匪不少其周家山賊壘經我軍水陸出隊攻搶壘內火

起各兵爭先破入擊斃黃馬桂賊首一名賊眾敗潰追殺三百餘人溺斃者不計其數時後隊之楚兵與川廣等勇又來接應副將蔡應龍等復飛令合攻宋家嶺賊營連破大小賊壘二座擊殺無算追斬又二百有餘當於周家山及龍村陡門港邊屯紮三營以聯紅單江面聲勢初八日派令蔡應龍等督率各路兵勇往攻廣福磯賊壘千總陳昌達首先躍登連奪前面二壘都司張玉良等乘勢攻搶後營擊殺賊匪百數十名都司陶茂森生擒偽總制曹芝程一名我兵一齊壓進又破賊壘一座吳全美復督水師分路進攻弋磯撲近賊濠守備陳超宗等率陸兵繼進立毀山北二壘直逼山南該逆驚潰我兵一面搶營一面分投截擊弋磯廣福磯賊營七座悉數蕩平我兵卽移紮弋磯一帶聯絡紅單阻斷下游旗羅山梁之路其范羅山內賊壘僅餘五座我兵旣扼紮弋磯賊

勢已孤卽石壘餘匪亦不難次第剿平 上諭內閣此次旬日以
來蕪湖上下外援賊壘盡行掃蕩勦辦尙屬認真著向榮等督飭
將弁將范羅山之賊並石壘餘匪一律掃除淨盡毋稍遲延○諭
前因何桂清奏已革安徽甯池太廣道兼署徽州府印務恩禧廢
弛防務貽誤地方並扣留捐項積欠勇糧各情降旨將恩禧革職
拏問交何桂清嚴行審訊茲據該撫奏稱賊竄休甯該革員力戰
受傷迫府城失陷往績溪向鄧紹良求援中途傷發耽延並非棄
城逃避其經手兵餉勇糧覈明數目相符所欠勇糧由於府庫無
款可墊亦無扣留情弊恩禧業經革職著毋庸議○諭軍機大臣
等向榮奏湖勇不易遣散請飭廣東督撫嚴禁出境等語潮勇性
多獷悍招募太多易滋擾累去年往投向榮軍營者雖皆拒而不
收而接踵而來爲數不少本年五六月又有盈千累百至自乍浦

上海等處雖經地方官隨時資遣惟潮人趨利若鶩誠恐去而復來雖有資遣之名而無其實除諭令廣東督撫設法禁止出境外所有蘇省未曾遣散之廣勇愈聚愈多恐貽後患著該督撫設法令其由海船回籍或分配各營使歸武員管束不令滋事並於沿海要口嚴密稽查杜其入境使見在者其勢漸分後來者無從遁迹方爲妥善將此由五百里諭令知之○諭勞崇光奏艇匪攻陷潯州力籌克復一摺艇匪由梧上竄攻撲潯郡既經廣東省兩次派撥舟師交張敬修赴援卽應激勵士氣迅速前進與守城文武內外夾擊以解重圍該臬司遲延一月始抵大黃江又不實力攻剿一戰而退致令潯城被陷覽奏實堪憤恨該撫已調果勇一千名由惠慶帶往武宣與黃輔相籌商辦法張敬修業經革職尹達章所帶師船及謝效莊協剿陸勇亟應嚴加整頓力圖克復土匪

胡金綬招撫後卽能與團總陳玉華殺賊自贖著卽飭令該團總等幫同堵擊其平南橫州等處惟有厚集團練藉遏賊蹤毋令竄突爲患該撫仍當飛商葉名琛添派兵勇前來會剿庶可以生力之軍殲方張之寇劉體舒等如何下落並著查明具奏將此由五百里諭令知之○諭本日據何桂清奏江浙海運船商稟陳來年護漕事宜一摺本年盜匪嘯聚北洋劫掠漕船沿海村莊並多擾累疊經諭令各督撫認真兜剿茲據何桂清奏稱浙省甯商購買火輪船節次在洋捕盜實爲得力見在上海商人亦買火輪船一隻請與甯商火輪船來年在東南洋面巡緝一以截南來盜艇一以護北運漕艘此項火輪船隻與夷船相似是以不令駛至北洋既據稱買自粵東並非買自西洋又係商捐商辦與夷人毫無牽涉且在東南洋面緝護並不向北洋開駛著卽照所議辦理來年

漕船北上時以一火輪船帶同勇船駐泊江南余山以一火輪船在南洋校織巡護以清洋面而利漕行並著照江海師船式樣書寫記號不與夷船相混是爲至要浙江新漕已定於十月開局江蘇省亦應趕緊趙辦著怡良邵燦吉爾杭阿嚴飭局員迅速封雇沙衛各船務於十月內一律齊全以期年內趕緊受兌俟東南風至即可開行毋稍遲誤將此由五百里各諭令知之○向榮奏請飭已革布政使張集馨來營差遣允之○以潯州被賊竄陷革張敬修職以黃鍾音爲廣西按察使由廣東雷瓊道遷○于休致陝西遊擊高殿鼐重赴鷹揚宴賞副將銜○于廣西被賊知縣翟登峨祭葬世職○乙酉諭內閣駱秉章奏官軍會剿湖北通城逆匪克復縣城一摺湖北通城等縣爲賊首鍾姓糾黨屯聚意圖抗拒駱秉章札飭浙江甯紹台道羅澤南帶勇進攻縱火焚燒賊壘該逆奪門

狂奔當將縣城收復其奔竄賊匪復爲羅澤南伏勇截殺殆盡羅澤南帶領兵勇屢著戰功此次攻克通城尤屬奮勇可嘉著發去白玉翎管一枝綠玉四喜搬指一箇荷包八箇火鐮一把交羅澤南祇領仍飭會攻武漢迅殄寇氛所有羅澤南一軍在事出力人員著曾國藩嚴明保奏其平江四營各紳勇並著駱秉章飭令羅澤南查明由該撫據實保奏以示獎勵○諭前因湖北逆賊攻陷德安特授察哈爾都統西凌阿爲欽差大臣並命荊州將軍綿洵幫辦軍務統率各路精兵前往督剿如果布置得宜嚴爾郡城何難克復七月初一日因逆匪攻撲營盤損失軍裝器械朕僅將西凌阿綿洵革職畱任稍示薄懲冀知愧奮乃本日據奏攻剿情形雖馬隊獲勝而步兵屢次潰散調度乖方毫無紀律實屬大負委任西凌阿綿洵均著卽行革任仍畱軍營交官文差遣以觀後效

已革提督孔廣順革職畱營後不知激發天良奮勉圖報藉詞受傷患病出隊時並不親自督帶以致兵勇潰散著卽拏問交官文嚴訊確情據實具奏○諭駱秉章奏請畱回籍知府差委等語前因陳啟邁奏請旨催候補知府劉長佑赴江西差遣當降旨飭該員迅速前往江西交文俊差遣委用茲據駱秉章奏稱該員見在帶勇赴衡州聽調所帶楚勇俱能得力未便飭令遣散劉長佑著准其仍畱湖南剿賊毋庸調赴江西○諭軍機大臣等本日據西凌阿等奏馬隊官兵殺賊獲勝步隊兵勇失利潰散一摺並片奏孔廣順有意退卻等語西凌阿綿洵總統諸軍剿辦楚北逆匪兵勇屢次潰散調度乖方毫無紀律已將西凌阿綿洵革任畱營並授官文爲欽差大臣督辦軍務矣官文接奉此旨著卽馳抵德安妥籌攻剿事宜西凌阿等所帶馬隊尙屬奮勇可用或仍令該革

員督帶以贖前愆至步隊募勇遇賊卽逃懦怯已極投誠義勇一項本有三千今已止存六百餘皆逃入賊營此等情形幾於不可收拾官文接統全軍應如何力加整頓號令嚴明信賞必罰以期挽回惡習轉敗爲功著卽妥籌辦理以副委任都興阿卽日到所帶皆係勁旅堪以制勝本日據奏顏朝斌一軍在德安城南駐紮屢挫賊鋒見復添派兵勇助剿至竄撲江家集之賊雖經常恩擊退究未能剿除淨盡官文已檄飭李孟羣與常恩會合力圍蔡店扼守要隘布置均屬周妥羅澤南克復通城卽由崇陽一帶乘勝前進與胡林翼合攻金口再圖武昌所有南路軍務諒可漸有起色該大臣卽馳往德安先籌克復然後統兵南下迅掃逆氛速奏膚功以慰殷望將此由六百里加緊諭令知之○命湖廣總督官文爲欽差大臣督辦湖北軍務○以克復安徽休甯石埭二城

歲督辦捐輸已逾六十餘萬兩實屬力拯大局南昌府知府史致
謬於九江廣信湖口等軍支應叢雜毫無貽誤候補直隸州知州
李瀚章自去歲辦理糧臺每於艱難挫折之際措置裕如至外江
金口水營李孟羣等赴援武昌僅礮船五十餘號彭玉麟等赴援
武昌亦僅礮船八十餘號到武昌後三次遭風賴湖南巡撫駱秉
章一力維持接濟礮船接給餉項俾金口水師危而復安候選同
知左宗棠於外江水師尤爲殷勤保護苦心照料候補知府彭玉

麟於大風壞船後督率舟師赴援武昌其時賊勢方張我軍氣餒彭玉麟與李孟羣同心協力目不交睫者八十餘日竟能保守金口水軍復振其堅忍之力殊屬難得禮部主事胡大任自賊氛再犯武漢以後在新隄地方勸捐安定民心接濟軍火歷艱險而不渝前任知府黃冕專辦湖南礮船前後造礮至六百餘尊精鍊光瑩所製竹筒炸彈之類亦皆具有精心利於攻勦不敢不瀝陳於聖主之前侍郎黃贊湯巡撫略乘章受恩深重自應竭誠報答李孟羣職任兩司亦不敢仰邀獎敘其史致諤等以下各員卽歸入義甯州案內開單保奏籲懇恩施上諭內閣兵部侍郎曾國藩督帶水師屢著戰功自到九江後雖未能迅卽克復而鄱湖賊匪已就肅清所有自請嚴議之處著加恩寬免前刑部侍郎黃贊湯督辦捐輸以濟軍餉尤爲出力著加恩賞戴花翎○曾國藩奏

羅澤南援鄂之師計此時尙在崇通一帶若剿辦得手進至咸甯江夏等縣去臣營在八百里以外出入賊地信息難通羅澤南營中大小軍情若仍由臣處奏報往返耽閣動逾一月此時鄂事孔棘皇上盼望捷報方殷擬令羅澤南於開仗後自行專摺奏報較之由臣處轉奏可期速到李孟羣奏臣自隨撫臣防剿南路雖屢次獲勝究不能迅復堅城七月間撫臣渡江進攻臣畱防金口七月二十五六等日賊由武昌出城糾合成甯大股撲攻金口陸軍潰散復爲賊踞麥山之師亦因無餉而潰臣率礮船與賊相持旬日苦無援軍可調撫臣飭令駛赴上游嚴防江面臣至新隄分撥礮船防剿壘口沙湖等處旋因督臣赴德安恐襄河照料難周臣挑帶精勇繞赴漢川仙桃鎮一帶會同常恩魁玉等籌辦防剿力圖整頓查中路軍情前經督臣布置極爲周妥嗣因蔡店失利

府河後路空虛常恩等兵力單薄稍稍引退督臣見派知府李錦
變募勇二千不日可到並有知州李保邦等之勇皆精強慣戰堪
資防勦臣於九月十六日由沙湖至仙桃鎮會商魁玉等籌定機
宜卽催督各軍進剿惟臣既無陸勇而欲整頓別營仍多掣肘可
否仰懇 天恩飭下中路帶兵各員聽臣會同查看調度以收整
頓之效 上諭軍機大臣等自蔡店失利府河後路空虛常恩等
兵勇遇賊卻退武漢賊勢愈肆狍獮官文前赴德安中路各軍必
應有所統屬李孟羣於本月十六日督同參將趙鴻舉等由沙湖
至仙桃鎮所有中路各軍著官文卽飭李孟羣就近調度所需軍
餉並著飭令莊受祺由糧臺籌款撥解羅澤南移師援鄂業已克
復通城卽日當與胡林翼會合嗣後羅澤南勦辦情形卽著胡林
翼奏報毋庸交曾國藩轉奏以省往返耽延將此由六百里各諭

令知之○諭曾國藩一軍需餉刻不容緩著陸元烺在江西漕項銀兩內每月籌撥銀三萬兩就近暫行接濟數月無誤急需將此由五百里諭令知之○諭赫特賀奏廓番妄事要求請飭四川官兵進剿一摺前因廓爾喀占踞濟隴等五處地方諭令樂斌帶兵馳赴前藏防剿嗣據樂斌黃宗漢奏稱豫備屯兵一千名營兵二千名惟該省兵力不敷餉需不繼且藏地寒冷進剿非時復諭令該將軍暫緩啟程見在都司戴廷超從陽布轉回並該國噶箕呈遞夷稟情詞愈加狂悖自應示以兵威杜其要挾但四川與楚北接壤辦理防剿正在喫緊之際若復派兵前往後藏誠恐轉餉維艱諸多窒礙且節近冬令天氣嚴寒我兵斷難深入藏屬番土各兵既有萬餘挑選精壯堪用者扼要防堵不可擅起兵端亦不可不豫爲防範該大臣仍當據理檄諭該夷一切示以鎮靜不必遽

煩兵力使該夷轉得有所藉口其扼要地方卽就見有之兵暗地設防毋任肆行竄擾仍隨時察看情形奏明辦理將此諭令知之○以克復江西廣信府城鄱陽湖匪肅清賞同知蕭啟江都司金世蓮花翎餘升擢有差○丁亥諭軍機大臣等前因廓爾喀藉端滋擾占踞地方當飭黃宗漢酌調川兵三千名令樂斌統帶赴藏以備攻剿昨據赫特賀奏該夷所遞稟詞肆意要求情詞愈加狂悖請速飭川兵前往攻剿惟前因湖北需兵曾諭該督調撥又漸屆嚴寒揆之天時人事尙難遽議興兵是以仍諭赫特賀嚴加防備俟該夷奉到第二次檄諭後情形如何再行具奏儻該夷仍肆無厭之求甚至深入藏地所有藏屬番土各兵能否堵禦川省與藏地毗連平時多交涉事件樂斌黃宗漢亦須豫籌布置樂斌曾至西藏於該處情形較爲熟悉且川省必有素諳夷務之員堪資

採訪著該將軍等悉心籌議除需撥川兵前往攻剿此外有無他策足以控制廓夷迅速具奏赫特賀摺片並檄諭臺底及廓夷原稟均著鈔給閱看將此由五百里諭令知之○己丑諭軍機大臣等前據蔣蔚遠奏黔省剿辦苗匪請飭調川兵等語當諭令黃宗漢酌量抽撥交參將蔣玉龍統帶前往茲據恆春奏滇省回民滋事並有土匪滋擾滇兵難以驟調懇調川兵二三千名赴黔剿辦惟湖北賊勢猖獗防剿喫緊曾諭黃宗漢派兵助剿尚未據該督覆奏至黔省所需川兵雖經諭令該督酌調其能否分撥尚未可知見在蜜遠里苗匪經提督孝順等督兵剿殺殆盡此路可期指日蕩平若上游地方已就肅清該提督等即可馳赴下游剿辦其前調川兵著恆春等卽飛咨黃宗漢毋庸調撥雲南東川曲靖各屬及蒙化景東等廳回民土匪紛紛滋擾著該督嚴飭各該文武

多派兵練上緊緝拏及早肅清蔣爵遠仍會同孝順督飭承齡等
勦辦貴州上下游苗匪迅速蒞事毋得日事耽延致干咎戾將此
由五百里各諭令知之○是月緩徵山東高唐等四州縣被賊屯
莊新舊額賦並給一月口糧